

BUKKALO BWA MBUNGANO

YA PERGAMO

 Yaa. Lino, kuciimo mbuli Mbwe langanya, ncibotu ku cizima. Yaa.

² Tuli kkomene kapati kuba kokuno alubo sunumasiku mu mulimo wa Mwami. Elyo busiku bwainda Nda kalimvwa ncobeni kuti Mileniamu yakasika. Elyo aboobo lino tu jisi imwi, Nda syoma mibuzyo imwi awa, elyo Njo ikka mu nkomo yangu aboobo... Ndi—Ndi yeeyela kuti oyu mupailo... ku kombelwa kuli nguwo. Elyo tuli... Elyo Ndiyo sola kwiingula ku bubotu Mbwe—mbuli Mbwe konzya.

³ Kwaamba, ikuti na waambila Doc kuteeti a “zime ceeco,” kuti i...kumunika mpoonya awa ali ndime aboobo, Nseli kunsi lya kubikilwa maanu loko kubuleya. Nywebo mulizi, Nse—Nseli umwi wa bakambausi aba babikkilwa maanu loko kubuleya. Aboobo ncibotu buyo kakutakwe ncico, Nda yeeyela. Mamanino...

⁴ Nda cilomba, Doc. Ndili mu kweempwa, Ndi—Ndili mukweempwa, nywebo mwabona. Oh, oh, ino mu...? Sa weeleda kusika atala awa a kubeleka ali ncico? [Mukwesu Branham ujisi mubandi a munyina, Doc—Mul.] Oh, ee, kocileka buyo cilikke. Inzya. Ee, kocileka buyo cilikke. Oh, peepe! Lino, uta cilosyi. Inzya. Lino Nda ciyanda eco kabotu. Ciindicimwi... Elyo Nse yandi mumuni kumwekela buyo moonya mu busyu bwako, nywebo mulizi. Alimwi—alimwi umunikila ansi awa Mpe konzya kubona kabotu. Nda lumba, munene. Ciyo mutolela cimwi.

⁵ Nywebo mulizi, tamu konzyi kumanizigwa aa makkalo aya aa mbungano. Elyo sunu cindi Ne kali kulangalanga ali obu bumwi, Nda ti ku mukaintu wangu, Nda ti, “Oh, ma! Ndi—Ndi jisi zibalo zinji zya kukambauka nkambauko zili makumi osanwe nkoonya kuzwa kuli eli limwi.” Mwabona? Elyo ba buyo... kunyina nzila yakucicita pele kuuma buyo ziyandisi, elyo ndiza cindi twa lemba bbuku mpawo tuyu sola kujana kunji muli ndilyo.

⁶ Nse kubona okuno, mukwesu. Uli buti, Mukwesu West? Nda zwaa kumvwa makani mabotu, kuti wamamanino ku mukwasyi wa Mukwesu Daulton wasika, mulombe umbi... musimbi umbi. Eyo ngu teeni, embo? Naini. Mula yeeya kuti oko kwakali kunsi lya mulimo mupya cindi Mwami naka mwaambila okuya kuti i...mukwasyi wakwe uyo futulwa. Nda kali kubakombela, nkeimvwi alya kakutakwe kuziba Nce kalino wambaula, Muuya

Uusalala wakati, "Nda kupa mukwasyi wako." Mwabona? Uh-huh. Elyo nceeco we, umwi aumwi wabo. Mwabona obo Mwami mbwa cita? Mwabona, majwi Ali londokede, taka cita, taka kukakilwa. Ee, ta tuyandi kuya ku lubazu lwa kuponesegwa kwa Buleza, tu sola kukkan kufumbwa... cibela eci, ku lubazu lwacisinsime.

⁷ Lino, sunumasiku Ndiyo sola buyo kwaambaula, alimwi ikuti Nda konzya, alimwi tu yoo sika ansi ku zibeela zya makani aakale zya bukkalo obu upati bwa mbungano, bwa bili... na bukkalo bwa mbungano yatatu mpo tubede sunumasiku. Sena mula bubotelwa? Ncibotu loko. Ndi yeeya buyo kuti ncibotu obo Mwami Jesu mbwa ka tulongezya a ku tupa zintu ezi, alimwi tula cilumba a moyo wesu onse, ku tuzibya kufwambaana eco ciya kucitika kumbele. Uli zyi mamanino kuzwa ku matalikilo, alimwi aboobo tuli kkomene kapati kuli ceeco. Aboobo tula syoma Mwami kuti ula tulongezya.

⁸ Elyo sena mwakabona, masiku ainda, Muuya Uusalala waka tupa (kuswaangana ni kwakamana) milumbe yotatwe a myuuuya yotatwe. Mbubonya buyo. Elyo cindi Muuya niwa kali kukanana, mpawo waka jokela ku bupanduluzi bwamamanino, kuloolola, kati, "Eco Muuya nco waambilia mambungano..." Oh, "Oyo ujisi matwi, a swiilile eco Muuya nco waamba ku mambungano." Buyo... Elyo Muuya kuamba kwiinda mu zipego zya mbungano. Oh, akube kuti mbungano ijatilile ceeco cakubatama lino, mwabona, amu cibatamike buyo. Amu cenjele; Saatani uyo boola ambali, kusola ku muleesya kumamanino ali ncico. Amube masimpe kuti Muuya Uusalala ciindi aciindi. Elyo ikuti na Muuya Uusalala, Uyo kanana cigaminina ku cintucimwi eco cicitika. Kwalo nku kugwasilizya mbungano. Mwabona? Elyo mpawo ikuti na mwa batama a ceeco, Leza mpawo uyo mupa kunji. Mwabona, kuzumanana buyo kuyungizya kunji a kunji. Elyo mbuli...

⁹ Lino, umwi wali kutumina a kubuzya... bantu bali kutumina sunu akubuzya cindi milimo ya kuponesegwa noiya kuba. Lino, kuswaangana oku kwamana buyo, Munsondo mutobela mangolezya, Ndiyo unka kwa mazuba masyoonto, kubaanga nku pumuzya kameneno kangu aniini, a Munsondo mutobela, Mwami nawayanda, tu yooba a muswaangano wakuponya, Munsondo mutobela cifumo. Oko kuyooba ii... ta ndizi buyo buzuba nokuyooba, pele iyooba mvwiki kuzwa... Ibwa 18, Munsondo ku... Sa mbo mbubo, Mukwesu Neville? Uhm? [Mukwesu Neville waingula, "Iiyi, munene."—Mul.] Munsondo cifumo, kampango ka 18, kukombela balwazi.

¹⁰ Elyo muli ceeci, mweembeli wesu okuno, Nse jisi ciindi ca kwaamba kunji kujatikizya nguwe, pele Ndi yanda ndinywe nyoonse, kusola kuswaana mweembeli wesu. Walo mukwesu wini i-i ncobeni muli Kristo. Tuli kkomene kuba a mukwesu oyo... kaletwa a ntalisyo ya Methodisti a busalali. Elyo toonse

tu lizi Orman Neville, boonse baliko okuno balacita. Kunyina muntu ubikka munwe aa buumi bwakwe. Inga kwa . . . Ta yandi kuti ka ndaamba ceeco, pele nekubaboobo inga Nda sala kumupa cisyuukila ca duba lino, kwiinda kuyalwa koonse kwa maluba amana kuunka. Mwabona? Elyo eno nce ciindi.

¹¹ Busiku bumwi Nda kali kuzwa mu mbungano elyo muntu umwi wakati, "Oh, Mukwesu Branham, Nda ilumba nconzyo eyo nkambauko."

Elyo Nda kati, "Nda kulumba."

¹² Elyo aboobo muntuumwi kaimvwi ku mulyango, (yali myaka minji yakainda, okuno ku cikombelo) mukutausi, wakati, "Ee, alelekwe Leza, Nse yandi umwi kundaambila ceeco." Mwabona? Kati, "Ndi yanda bulemu boonse kuya kuli Leza."

Nda kati, "Ee, cila cita." Mwabona? Elyo Nda kati, "Ee, Nda ciyanda, lwangu." Nda kati, "Nda ciyanda ncobeni." Elyo Nda kati, "Nde elede kuba uusyomeka."

Elyo wa kati, wa kati, "Ee, Nse yandi bantu kwaamba ceeco kujatikizya ndime, alelekwe Leza!"

Nda kati, "Kuli buyo lwandaano lomwe akati kangu a nduwe: Ndila syomeka kujatikizya ncico, nkabela tociti."

¹³ Kufumbwa muntu uyanda . . . Ikuti na wabweza mwana muniini, kadundaizya ali nguwe aniini, uyo cita mulimo mubotu. Mwabona? Mbo mbubo. Mwabona? Elyo Leza, lyoonse, Ula botelwa kwaambilila bana Bakwe cindi acita ciluleme. Ula yanda kubaambilila cindi niba lubizya, aboobo nkaambonzi kuta baambilila bano cita ciluleme? Mwabona?

¹⁴ Aboobo Ndi lumba Leza ncobeni nkambo ka Mukwesu Neville mukuba mweembeli wa butanga obu okuno ku cikombelo. Elyo kubona muntu oyo, muna Methodisti ku ntalisyo, umuka ku . . . Baa, mbuli kuti uyanda kulida mu buyake butali kabotu. Aboobo . . . pele kujana kwiinda i—i Muuya Uusalala mulemu, elyo lino kuboola mu zipego ezyo; a nzila Muuya Uusalala mbou mubelesya kabotu cindi nata belesyi mizeezyo yakwe mwini. Amulangilile bupanduluzi a bulile, a kutanta a kuselemuka kweelene, mbuli manauni a pronauni, aamwi, a ku ciingula kabotu alubo.

¹⁵ Elyo oyu mukwesu muniini, Nse yeeyi kuti ngu . . . Junior Jackson. Ee, Nda umuna zii, Junie. Ndi lumba Leza kuli Junie Jackson, mukwesu masimpe ujisi cipego cipati kuzwa ku Mwami.

¹⁶ Elyo kulibombya buyo lyoonse. Lino, aumwi mu mbungano ujisi cintucimwi cakucita; pele uta cisomwedi ambali ku cintucimwi cimbi, cisanganye a zimwi zya mbungano. Nca Leza, zintu zyoonse. Mwabona? Mwabona? Sena bantu boonse bayanda kwaambaula mu myaambo, bantu boonse balapandulula.

¹⁷ Kusola kucita cintucimwi cibotu akuzumanana buyo kuba kabotu; kutaba a munyono, kutaba ankoto, utalekeli ndulwe imwi. Takukwe makani muntu mbwali mubi abubi mbwambaula nduwe, uta yeeyi bubi mu moyo wako kuli mbabo; nkaambo mpoonya alya dyabulosi uyo kkala kuyabuya, kabeleka cintucimwi mpoonya alya. Ko civumba buyo a luyandisyo lwabuleza, kulyaambilila, aku lulamika, akucita cibotu kuli baabo bakucitila bubi. “Ikuti na kamucita buyo bubotu kuli baabo bacita bubotu kuli ndinywe,” Jesu wakati, “sa basimitelo tabaciti mbubonya?” Mwabona? I basizibi, kufumbwa muntu inga waba kabotu kuli baabo bali kabotu kuli mbabo. Koba kabotu kuli baabo batali kabotu kuli nduwe, kocita cintucimwi kuli baabo banga teeba kucitila cintu. Koamba ijwi bbotu lya muntu uunga waamba bubi kuli nduwe, nkabela munzila eyo uwisya ndulwe kuzwa mu moyo wako; nkabela uli mu luyandisyo lyoonse a muntuonse mpawo, kufumbwa kuti kokkla mu luyandisyo.

¹⁸ Lino yebo wati, “Ee, ba kacita . . .” Ta tuli babetes, Leza ngo Mubetesi. Elyo tokayandi oyo muntu mucete kuyooba mutande, embo na? Nee nconzyo, takukwe makani na nduweni. Inga toyanda ceeco, aboobo kusola kuba sibuuya kuli mbabo. “Elyo luyandisyo lulasisa malwi aa zibi.” Uh-huh. Iiyi, munene. Luyandisyo, olo buyo Luyandisyo lwa Banakristo, lubotu lwa bunaleza.

¹⁹ Ikuti na muntu waboola a kukwiita kuti “mubumbulusi uusalala” a misyobo yoonse ya zina, lino—lino muta lilemeki mbuli obo, mwabona, ikuti na tamu konzyi kulilemeka mbuli ncico, amu citantamuke buyo. Pele mu moyo wako, weelede kuba ku busena bwa kwaamba kuti, “Ee, ci . . . lino, antela, mukwesu, ikuti na wamvwisya, mu nzila Nje cita, inga walimvwra mbuli kuti Ndi cita kujatikizya ncico.” Mwabona? Elyo koba buyo uli kabotu kuli nguwe, aku mulekela kuzumanana boobo. Elyo nekubakuti twa impana kuciimo mbuli kujwe mbo kuli kuzwa kumbo, eco tacibambi lwandaano noluceya.

²⁰ Mbuli Mbwe kaamba busiku bumwi, Ndi jisi mukwesu oyo ii . . . walo mwaalumi wamusela wa mwaalumi, Melvin; walo mulamfu, wamasusu atubuluka kumutwe. Lino, ta tukozyanyi buya mbuli kuti tatu swaangene pe. Elyo kuyandisya kwesu—kwesu kulandeene, a kuyanda kwesu kulandeene; pele nekubaboobo banyina mbaama, bawisi mba taata, walo mukwesu. Mwabona? Nkaambo twa kazyalilwa mu mukwasyi omwe.

²¹ Lino, tula impana. Melvin tali Munakristo, alimwi ula yandisya bbesibbo, mizundano ya mbizi, azintu mbuli ezyo. Elyo Nse—Nse iyandi pai ya chokoleti, aboobo Ndili masimpe tulaindana awo. Aboobo Nse—Nse yandi mizundano ya mbizi na bbesibbo, Ndi yandisya kuzela nswi a kuvwima. Mwabona? Elyo inga ta tambikizya janza lyakwe kuli ceeco, alimwi inga Nse

tambikizya janza lyangu kuli cimbi. Aboobo mpawo, mwabona, pele ula iyanda pai ya chokoleti elyo Mebo ya cherri. Aboobo mpawo . . .

²² Lino Nse sendekezyi, mwabona. Pele Nda kaamba ceeco ciindi cimwi mu muswaangano kubusena bumwi, kuti Nda iyandisa pai ya chokoleti, elyo busiku bwakatobela Nda katambula machokoleti atandila kuli osanwe . . . na pai ya cherri, elyo Nda katambula mapai acherri one na osanwe ayo bacizi ngoba kandijikila a kundi letela. Ma! Twa kajisi jubbili kutala mu kaanda kangu! Pele, Nse—Nse cikanzili boobo. Mwabona?

²³ Aboobo Nda amba kumutondezya buyo lwandaano, nywebo mwabona. Pele tacikwe makani obo mbwa bede, Nda tuyanda, walo mukwesu wangu. Elyo aboobo tali Munakristo nkaambo ubona zintu mu mumuni umbi, Ndi bona zintu mu Mumuni wa Kristo; pele nekubaboobo Nse konzyi kwaamba kuti tali mukwesu wangu, nkaambo tuli babunyina bakazyalwa mu mukwasyi omwe.

²⁴ Lino, mangolezya ainda, Nda kabamba kabalululo ka ku mamanino. Elyo amuyeyeye lino, mulumbe mutaanzi wakasika ku mbungano kumane eyo njo muysi, kunze lya kumusanza okuya mu Kentucky, kwakali kuti kuya kuba zintu zyamaseseke mu muswaangano ziya kuzungaanya banji. Mula ciyeeya eco? Cili aa teepu, lino. Mwabona? Busiku bwainda cimwi cazyo caka yubununwa. Aboobo cibaanga caima buyo kwa kavwallu, pele Ndili masimpe mwaka cijata; nkaambo Muuya Uusalala wakaleta, eco cakeede kuba: “gehenia Itamani, takukwe cintu cili obo mu Bbaibbele.”

²⁵ Takukwe gehena Iitamani. Ikuti na mwaka jisi Iitamani . . . Ikuti na waka umpwa mu gehena kwa Butamani, nkokuti weeleda kuba a Buumi Butamani kuba okuya, ikuti na ula pona. Elyo kuli buyo musyobo omwe wa Buumi Butamani, oyo ngu Leza! Mwabona? Aboobo, elyo mpawo Bbaibbele tali yiisyi gehena *Iitamani*, yiisyi buyo “iiteeli” gehena. Oko inga kwaba kwa myaka ya zyuulu zili kkumi zya mamilioni, Ta ndizi, pele yeelede kumana.

²⁶ Nkaambo Nda kacita ku Ci leta mukati omuya. Nda Ci tantamuna ku mambungano a zintu mane Nda . . . cili kuli ndime ku Ca amba. Alimwi mpawo kuli zintu zisyoonto omuno ziyo tola ndime ku Zya amba, elyo aboobo mpawo abumwi busiku tula zijana.

²⁷ Pele lino, kuzwa sunumasiku kuyabuya, katalika kusama kuyeyya kwanu kwa kumuuya, nywebo mwabona, lekela Muuya Uusalala ku Ci mvwisya buyo mu miyeeyo. Elyo mpawo ikuti na wamvwa a kutazuminana a Ndilyo, kotantamuka buyo a kwaamba, “Mukwesu Branham uutakweankwaya, ta—ta zyi ncobeni. Ndiyo mukombela.” Elyo wacita eco, elyo mpawo Njo . . . Mwami uyo ndibamba kuziba eco ca Bwini mpawo, pele

amundi fwide buyo luse, akuta—kuta nditanda. Aboobo mpawo eco inga caba bwini, akwalo, pele, oh, Ndi jisi ciindi cibotu cili boobo kuyeeya nzila eyi. Aboobo nkubamba buyo acimwi kuzwidilila. Elyo Mebo, oh, Inga—Inga nkelubide; pele inga kakuli kuba kumwi Nkwe tazyi, aboobo ndiza ula cita, alimwi komba ku Mwami kuti aciyubunune kuli ndime.

²⁸ Elyo lino, alimwi kwiinda zintu zyonse, amu zumanane ku kombelana akuta lekela dyabulosi kutondezya ndulwe imwi ali onse. Mwabona? Amu bambe buntu bwanu kabusalala mu ora eli, nkambo tuli mu maora aakujala kwa makani anyika eyi. Mwabona? Tuli ku mamanino, beenzuma, kakutakwe cimvule comwe ca kudonaika.

²⁹ Mbuli mbo tu selemukila mu makkalo aya aa mbungano, tuyu jana cakufwambaana loko, alimwi ndiza kunji kwa ncico sunumasiku. Tu tandila kutondezya a kujana ntalisyo awo mpo tweede ku cijalila, alimwi lino sunumasiku tu yubununa zintu zini zya kumuuya. Amuyeeye lino, Nda caamba, mula yandika kusama kwanu kwa kumuuya. Pele amulangilile Magwalo, eelede kuba *mu* Magwalo, alimwi ceelede kuti cileelede *kwiinda* mu Magwalo. Mwabona? Lino amuyeeye i...Luzibo buyo lwa Ijwi, lwa kwaamba, “Ee, Nda kaunka ku cikolo cipati. Nda kaunka ku cikolo ca Bbaibbele. Nda kaunka ku kkolegi.” Eco ta cicitoleli kuli cimwi. Boonse ba Farisi aba Saduki bakacita cintu nciconya, a kusweekelwa kuziba Jesu kwiinda ku mamaile aali mamilioni. Mwabona?

³⁰ I Magwalo, ciyubunuzyo ca Magwalo, “cili sisidwe kuzwa ku meso aa basongo a basimaanu, aku yubununa ku bavwanda banga baiya.” Aboobo nywebo a Ndime atube bavwanda akulongolola buyo myoyo yesu, a kuti, “Mwami, Ula—Ula twaambila, alimwi tula—tula swiilila.” Elyo mpawo kujata kubikkwa kwa kumuuya. Lino amuyeeye kuti, majwi ayo ambwa kuzwa sunumasiku kuyabuya, amujate kubikkwa kwa kumuuya, nkaambo tu boola mu bukkalo upati bwa mbungano ya maseseke.

³¹ Lino, Ndi yeeya kuti oko kwakali koonse. Lino amuyeeye juunza masiku, tuli aa bukkalo bumbi bwa mbungano busiku abumwi. Elyo Ndili masimpe kuti inga twaba a ciindi cinji juunza cakutobezya buzuba boonse aali ceeci, elyo mpawo juunza masiku akwalo. Pele, mwabona, bunji bwabo bano beleka alimwi Njo sola kujana nzyoonya ziyandisi zya mulumbe oyu, kuumu tubeela twaambwa awa, kwalo nkokonzya kubweza kamwi kazyo a kuzumanana buyo, kuka tobezya mane taacikwe kwa kwaamba mpo kakonzya kuunka. Nywebo mwabona? Pele... Alimwi mpawo amu kakalangelange ku muunzi, nkabela Ndino mukombela, alimwi kamuno ndikombela, nkabela Leza atulongezye antoomwe mbuli bana Bakwe basyoma.

³² Lino katutana talika, Nda libuzya na inga tii caba ciyumu kuli ndinywe kwiimikila.

Alimwi mulizi kaambo Nce yanda kwiimikila a kupaila? Jesu wakati, "Cindi mwaimikila, kukomba, mukombe kuti 'Taata wesu Oyo uuli ku Julu.' Mpawo amu jatilane umwi aumwi." Nywebo mwabona? Elyo mpawo Gidioni wakasala impi ku ciindi cimwi kwinda kuli baabo bakadingama akufugama aku ntwakizya maanzi, na abo bakaimikila a kuteka maanzi. Nywebo mwabona? Aboobo abo bakavundama, abo ba—ba kali kukotama beni kumbele lya mituni, elyo wa kaziba kuti tiiba kali balelwa bakuunka. Aboobo, umwi wakaima a meso abo kalangilila ciindi coonse. Eyo nje nzila mbo tucita, kwiimikila a kukomba. Lino, Nda syoma mu kufugama a kukomba, akwalo; pele, kwiimikila a kukomba, Ndi yeeya kuti caamba buyo cintucimwi kuli ndiswe, munzila imwi.

Atu kotamike mitwe yesu eno, aumwi moyo ukotame awalo:

³³ Taata Wakujulu Siluzyalo, mbuli mbo tuswena lino cakusinizya ku Cuuno Cako cabwami ica bululami. Alimwi ta tubooli Ku kulomba kutupa kululama, nkaambo toonse inga twa nyonyoonwa, pele tu boola, kukombeleyza "Luse, O Mwami!" Kotila ali ndiswe, sunumasiku, zya Muuya Uusalala Wako; kutali kaambo kakuti tuleelela, pele nkaambo ta tweeeli, a ku ziba aku kuzumina, nkabela ta tuboola mu zina lyesu, nkaambo talili jisilidi. Ta tujisi kululama, na—na cintu, bululami bwesu inga bwatandila kuba tusila tuzapaukide tusofwi kumeso Aako. Aboobo twa boola cabubombe mu Zina lya Mwami Jesu, ku Mu leta kumbele lyesu, Bulowa bwa cizuminano Cakwe, ku Bu bikka aa myoyo yesu, a kwaamba, "Leza, koba siluse kuli ndiswe tobasizibi abo balomba luse mu oora lya kufwaba." Kuti, cindi buzubabumwi nkambauka yamananino yaa kukambaukwa, ta tuzyi na liyooba lili; ciindi camamanino nokuyooba koongolola kuya mu luwo; Bbaibbele liyo jalwa aa cikambaukilo; ntobolo zuyo yaamikwa; a milangu iyo lila; zuba lino bbila. O Leza! Mpawo kondi sisa, O Mwaala wa Makkalo, mu oora eelyo.

³⁴ Elyo tula bona kuti kwiina kulobokela lino, taakwe cintu pele kwiinda muli Nduwe. Tula bona masi ali mukumwaika. Tula bona Bbaibbele kali zulizigwa. Tula bona Israyeli kaisinsimuka. Tula bona Mulumbe ku Mbungano. Alimwi oora litandila kumana, ku ciindi ca zintu zipati zyelede kuyubununwa, a kujulwa kwa Zinamatizyo zili Ciloba.

³⁵ Leza, Leza, O Leza, koba siluse kuli ndiswe, twa lombela luse. Elyo mbuli mulanda Wako, Nda kumbilila luse lwa muntu oonse mu Busyu bwa Buleza sunumasiku. Leza, akube kuti kutabi muntu omwe akati kesu oyo ujisi cibi aa buntu bwakwe, pele akube kuti asalazigwa buyo lino kwiinda ku Bulowa bwa Mwami Jesu, kutegwa toonse tuka swaangane mu busena obo bwaku kkomana kapati kutala kwindilila mulengalenga.

³⁶ Elyo mbuli Mbwe boola ku Lugwalo olu sunumasiku, Taata, oh, Nse kkwanisyi. Leza, takukwe wesu uukkwanisya. Tula zumina kuti taakwe nco tuzi, Taata, pele tu yaamina ku Muuya Uusalala cakusiniza kuti Ako nzye kutu yubunwida. Mbuli mbo tuvungulula kwinda mu luzibo lwesu—lwesu lwakuyeyea Ndo katupa, makani aakale, akube kuti Muuya Uusalala upe kubikkwa kwa kumuuya ku myoyo yesu. Ko cipa, Taata, nkambo twa lindila aali Nduwe mu Zina lya Jesu Mwana Wako. Ameni. Inga mwa kkala.

³⁷ Mu cipati 2 ca Bbuku lya Ciyubunuzyo, a mbungano yabili, bukkalo bwa mbungano yataatu. Kutalika...[i] mucizi wakanana mu mwaambo umbi—Mul.] Mundi jatile.

³⁸ Taata wesu Uli ku Julu, alilemekwe Zina Lyako. Bwami Bwako buboole, luyando Lwako lucitwe, mu nyika mbuli mbo luli ku Julu. Twa Ku lomba ube andiswe, Taata, a ku tulongezya, aku tugwasya kuba bayasi bapati basongo mu oora eli lya mafwabi mapati akati ka bantu. Cindi lupyopyongano a konse kuli mukucitwa, kotu gwasya kuba ku bubotu bwesu bwinda, Mwami, kuba balanda Bako kwiinda mu Zina lya Kristo. Ameni.

³⁹ Lino, Nda kaamba eco lutaanzi, kuti mukonzye kuziba. Sena mwa kabona bupanduluzi tiibwa kaboola ku Ijwi? Mucizi wesu wali nanikidwe a Muuya Uusalala, kwiina kuzumbauzya, pele waa kapa mulumbe Ijwi nilya kamana kunjila, nywebo mwabona. Nku syoonto buyo kuzwa ku bweende bwa cintu. Lino, eco cakali kabotu, mucizi oyandwa, kufumbwa na nduweni. Muuya Uusalala aali nduwe, oh, nciyumu loko ku cijata mbuli boobo, Ndi lizi. Cili buyo mbuli...Na cindi wano aamba cintucimwi cimbi a...Mwabona, pele cali kabotu; pele antela mwaka cimvwa akwalo kataninga talika, nywebo mwabona. Elyo nke kaambo, mwabona, cila jokela cindi Muuya wabeleka. I myuuya ya basikusinsima ila libomya ku basinsimi, nywebo mwabona. Nde ndinywe.

⁴⁰ Lino, ndiza Muuya Uusalala ula kunanika alimwi, buyo... Nda syoma Ula cita, kwamana buyo kuswaangana. Elyo amulangilile bupanduluzi kabuboola, mwabona, nkaambo bweelede kululama ncobeni mu ncililano mpawo, nywebo mwabona; pele tu swena ncobeni ku Ijwi, nywebo mwabona, omu. Aboobo, lino, eco cali ca Leza ncobeni, cali obo; Nda cisyoma a kucimvwa a moyo wangu oonse, nkaambo Nda limvwa sule kusika kuli ncico, nywebo mwabona. Pele Muuya Uusalala... tii cali ciindi. Walo ujisi mulumbe ku mucizi wa mbungano, pele *mpaawa* Mpa belekela Mulumbe Wakwe lino. Nywebo mwabona, Ta kali nyonganyi Mwini, Ula bikka zintu zyoonsue mu ncililano. Ndili masimpe kuti onse ulamvwisyia, nywebo mwabona, eco cili kabotu buyo.

⁴¹ Lino mu i—mu cipati 2 ca Bbuku lya Ciyubunuzyo. Elyo atu...Tula talika sunumasiku a i—a Bukkalo bwa Pergamo,

cipati 12. Lino, busiku bwainda twa kalekela aa kampango ka 11:

Oyo walo ujisi matwi, amwiwe eco Muuya nco waambila mambungano; Oyo uuzunda taka nyonganisigwi ku lufu lwabili.

⁴² Lino, mu bukkalo butaanzi bwa mbungano, twa kajana kuti ba Nikolai bakatalika. Leza wakali yubununa Mwini mbuli... Jesu wakali yubununa Mwini mbuli Leza Singuzuzyonse: kwiina umbi, kwiina zibela, kwiina zibela zya Leza, Wa kali Leza alikke.

⁴³ Lino mu busiku bwainda mu bukkalo bwa mbungano, twa kajana kuti Wa kaliimvvi ku mulyango nkabela Wa kalemba zintu ezi ku mbungano, aku baambila bucete bwabo. Pele Wa kati bakali ku ii...aba Nikolayi, abamwi bambi, abo Mba kasulaika.

⁴⁴ Busiku bwainda ba kali i...kasama musyini wa basikufwida buzumini. Wa kabaambila kuta yoowa, ku lufu, kuti Uyo oba—Uyo oba ambabo. Elyo mpawo kuli ceeco camamanino Wa kati, “Oyo uuzunda! Oyo uuzunda taka nyonganisigwi ku lufu lwabili.”

⁴⁵ Lino, ikuti na kuli lufu lomwe, alimwi tu lizi kujatikizya ndulo, nkokuti kweelede kuba lufu lumbi kubusena bumwi; nkaambo lufu lomwe tulafwa mu mubili, lufu lwabila tulafwa ku muuya, i buntu. Ngu, “Elyo buntu obo bubisia buyoofwa ncobeni.” *Kufwa* buyo nku, “kumaninina kuzwa ku zintuzyonse;” nywebo mwabona, muli—mul... *Lufu* caamba, “ku gusigwa, nku—nku tolwa, ku siswa.” Mpawo cindi bayandwa besu bafwa, tabaciko kuciimo mbuli mbo tuzyi. Twiita ceeco kuti lufu.

⁴⁶ Pele Munakristo tafwi. Takukwe Lugwalo olo Iwaamba kuti Munakristo ulafwa, nkaambo ujisi Buumi Butamani. Cindi siziba afwa, ula maninina, nkabela buntu bwakwe buya kufwa kumalekelo. Pele cindi Munakristo afwa, uli ndila buyo a Jesu kubweeda alubo. Oh, Nda syoma Ndi jisi ciindi cakusika kuli ceeco kumamanino a cilengaano eci sunumasiku, oko nko tu jokela; elyo mula cibona, obo mbo cileta mu cintu eco nciconya ca lufu lwabili. Eci chipati nciconya mpo tubede cileta cintu nciconya, a kubikkwa kubotu awa.

⁴⁷ Lino—lino, sunumasiku, tula bala lugwalo olu cakufwambaana ncobeni, nkaambo Ndi jisi amwi—amwi makani akaindi nge tuyanda kubweza lutaanzi, akusola kuta mujata kwa ciindi cilamfu. Lino, ku i...kuswaangana oku kwamana, kufumbwa ciindi eco Nda bala eci kufwambaana loko, ikuti na uyanda kujana kubikkwa kwa nkuko; Mukwesu Mercier uli kujisi koonse, Ndila bupa bulembro nkoonya kuli nguwe; alimwi inga wacitya kuti alembe bbuku, inga wakupa

cintu cili conse ncozyi...nywebo—nywebo nomu ciyanda. Eco inga kacili kabotu, Mukwesu Mercier.

⁴⁸ 12 kampango:

Kuli angelo wa mbungano ya Pergamo lemba; Ezi zintu mbwaamba oyo ujisi i cceba libosya lya mabemba obilo;

Ndi lizi milimo yako, alimwi awo mpo kkala, akwalo...cuuno ca Saatani...alimwi uli jatilile loko ku zina lyangu, alimwi tona kutama lusyomo lwangu, nouba mu mazuba omo Antipasi mwakali uusyomeka wangu sikufwida buzumini, oyo waka jaigwa akati kanu, awo Saatani mpa kakkala.

Pele Ndi jisi zintu zisyoonto zya kulwana nduwe, nkaambo uli bajisi abo bajatilila njiiSYO ya Balamu, oyo wakayiisy Balaki kuwaala cifumpuzyo kumbele lya bana iba Israyeli, kulya zintu zituulwa ku mituni, a kucita bwaamu.

Aboobo ayebo uli bajisi abo bajisi njiiSYO... (ni micito kaindi okuya mu Efeso, lino yaba "njiiSYO")...njiiSYO yaba Nikolayi,... (Mula ndiyeeya nke mwaambila busiku bumwi, obo mbo cakaswena kuli ceeco? Ii micito mu Efeso, lino ni "njiiSYO")...i—i njiiSYO yaba Nikolai, ezyo zintu Nze sulaika. (Uhm!)

Koempwa; naape Njo boola kuli nduwe cakufwambaana, akuzo balwana... (kutali Mbungano iini)...balo a cceba lya mulomo wangu.

Oyo walo ujisi matwi, amvwe eco Muuya nco waambila mambungano; Kuli oyo uuzunda Njo mupa kulya mana asisidwe,aku mupa (mupa) bbwe lituba, alimwi mu bbwe kuli zina lipya lilemedwe, muntu naba omwe ndya tazyi cita oyo uli tambula.

Lino Mwami ayungizye zileleko Zyakwe kuli Ceeci, a kutu gwasya lino mbuli mbo tusola.

⁴⁹ Lino aa ntalisyo ya mbungano eyi. Bwalo mbukkalo bwa mbungano yatatu, butegwa Pergamo. Elyo i—i buzuba obo mbungano eyi mboya yaka kali kuzwa ku 312, A.D. 312 kusikaku 606.

⁵⁰ I bukkalo bwakali bwa: njiiSYO yabubeji, Saatani kabeja, ntalisyo ya kulela kwa bupoopu, a lukwatano ku mbungano a cisi.

⁵¹ I bulumbu bwakali: mana akasiswa, bbwe lituba.

⁵² Elyo nyenyeze, angelo wa mbungano eyi, kwiinda kuli zyoonse ezyo Muuya Uusalala ncowa kandilekela kucita, Nda sala Musalali Martin. Ca kali i—i ciyubunuzyo cakapegwa kuli ndime ali ncico, nkaambo ka kubala kwa basalali bambi mu

mwaakwe wa ciindi eco. Nda kabweza Musalali Martin nkaambo kakuti wakali muntu munaleza, ku muzeezo wangu wa kali ziindi zili kkumi maningi kuba muapostolo kwiinda Musalali Patrick mbwakabede.

⁵³ Lino, Musalali Patrick wakali mujwa wa Musalali Martin; mucizi wa Musalali Martin wakali banyina ba Musalali Patrick. Elyo Musalali Martin wakali . . . mubwini, oyo wakali siminzyaa Musalali Patrick.

⁵⁴ Lino, buumi bwakwe bwakali kuzwa ku A.D. 315 kusika ku 399. Lino nkaaka kaambo Nce kasalila nguwe kwinda basalali bambi ba buzuba obo, nkaambo ka nzila mbwa kalijata mwini. Elyo kunsi lya bunanike bwa Leza, Nse syomi kuti . . .

⁵⁵ Lino, mbungano ya Katolika tiiya kamubamba kuzuminwa kuba musalali, tiiba kamuzumina, alimwi nke kaambo Nda kamusalala. Uh-huh, uh-huh. Elyo boonse abo mbo tubona, ba jisi mulimo wa kumuuya, oyo mbungano ntaanzi ngoya kakaka. I—i mbungano ya Nikolayi yaikaka nkaambo ka zintu ezi: zyakali zya kumuuya. Elyo mbuli Mbwe tondezya awa, Mbungano ya kasyanikizigwa nkabela njisyo yaba Nikolai yakali mu i—yakali mu bunji; alimwi Mbungano ya kasimpe yakali mu busyoonto, lyoonse yakali obo.

⁵⁶ Elyo mbuli Mbwe kaamba kuzwa kumatalikilo, wakali Jesu oyo wakati, “Uta yoowi, okatanga kaniini, nku luyando lubotu lwa Taata kukupa Bwami.” Ako nkekaambo Nce bikka Bwami ku Bwami bwa kumuuya. Elyo tuli . . . jisi Bwami bwa kumuuya, alimwi tuli kkomene kapati kuli ceeco, a Mwaami mu Bwami obu. Amuyeeye, Walo Mwaami wa basalali (*bakalanganisigwa kuba basalali*), Walo Mwaami wabo oyo ubasololela.

⁵⁷ I buumi bwa Musalali Martin bwakali . . . mbumwi bwa maumi akazwide maleele mapati maningi bwa muntu uuli oonse mu makkalo aa mbungano. Kuzwa lweendo loonse kuzwa ku Musalali Paulo, wa kali umwi wa muntu wa kumuuya maningi. Wa kali . . .

⁵⁸ Amwi maleele akwe mataanzni akali . . . Wa kali silumamba, ku kutalika, Nda syoma. Elyo mpawo buzuba bumwi wakali kuboola munsi elyo kwakali muntu umwi . . . Ii—ii muntu kalede, katontola a kubimba, a bantu boonse abo bali bambilide . . . na, kutali kuyanda, pele bakali kukonzya kugwasya muntu, ba kamwindilila buyo mbuli i—i mupaizi a Balevi mbo bakacita mu *Musamariya Mubotu*. Pele cindi Musalali Martin naka boola, mukuziba mulimo wakwe mbuli musyomi Munakristo, wa ka jisi bbaki lyomwe, ii cilembo ku makuko akwe, wa kacitenda mu bubili a panga lyakwe a kupa cisela ca ncico ku mukumbizi, wa katola cisela cimbi. Elyo busiku obo bwakatalika ncito yakwe, nkambo, Jesu Kristo wakalibonya kuli nguwe, mu cilengaano, kavumbilidwe mu cikobela nciconya nca katenda cisela muli

zyobilo; eco cakazulizya Lugwalo, "Muciimo mbuli mbo mwa kacitila baaba, mwa kacitila Ndime."

⁵⁹ Aboobo amu bweze eco ku ciijo. Kufumbwa neco mucita ku muntuumwi, muli mukucicita kuli Kristo. Amuyeeeye buyo. Lino nywebo... Atwa ambe eco antoomwe [Mukwesu Branham a mbunga baamba antoomwe—Mul.]: "Eco neco mucitila bamwi, mu citila Kristo." Aboobo tacikwe makani eco nca yeeya kujatikizya nduwe, nceeco neco yeeya kujatikizya nguwe, mwabona, eco cileta cilongezyo.

⁶⁰ Ayo akali maleele akwe mataanzi a matalikilo aa mulimo wakwe. Kuli kunji loko kuli nguwo, Inga—Inga nseba a ciindi. Nkaambo Ndi yanda kuti mukajoke masiku juunza a masiku oonse, aboobo Nse yandi ku mujata kwa ciindi cilamfu.

⁶¹ Yaa, maleele atobela ayo Nge sala kukanana sunumasiku.

⁶² Wa kali kumwaya buhedeni nconzyo, alimwi wa kali kwiilwana canguzu mbungano ya Rome. Wa kaimpana nconzyo a boonse bamabbishopo ba mbungano ntaanzi ya Rome, wa... bakali kuya buba basinyika abumwi mbuli obo, nkabela wa kabakazya. Wa kali kubalwana ncobeni. Ayo maleele nga kali kuponena akwalo mu musyobo wa ziindi. Lino...

⁶³ Pele wakali kumwaya mutuni wabupagani buzuba bumwi, a kumwayaula cipaililo ca bupagani, alimwi kwakali samu lisetekene lyakaimvwi kumbali lya cipaililo cabupagani. Elyo wa kali kugonka samu eli ansi, nkabela banji bakaimvwi munsi bakali kucikazya. Wa kati, "Ikuti na Ndili muntu wa Leza... Amu ndaange munzila samu eli nkoli sendekede akulekela samu lindi wide. Ikuti na Ndili muntu wa Leza... Ikuti na Nseli muntu wa Leza, samu lila ndijaya. Ikuti na Ndili muntu wa Leza, Leza wangu ulakonzya kunyona samu elyo kubusena bumwi bumbi." Nkuzundikizya kwaakubwene! Aboobo baka talika kugonka samu; elyo cindi samu nilya katalika kuwa, lya vuuluka akujaya cikama caba sikweebeleyza. Leza wakali vuulusya kujoka atala lya cilundu. Ii maleele! Oh, ciindi coonse kwakali maleele mu muswaangano wakwe.

⁶⁴ Maleele ambi Nge kayeeya ku kanana, wakali muvwanda wakafwide cakuti wakalazika mubili wakwe atala. Elyo wakabusigwa kujoka ku buumi, nakamana kukombela muvwanda oyu kwa ciindi.

⁶⁵ Amwi abotelezya kuli ndime, wakali simalelo. Elyo wa kali kwinka kuyo jaya bantu ba Leza bakazwide Muuya Uusalala. Elyo mubwini wa kali sijanza lyalulyo lya i—lya bbishopo wa mbungano ntaanzi ya Rome, ku ciindi eco, elyo mubwini wakali poopu katana kwiipta kuti poopu. Zina lyakwe wakali D-a-m-a-s-u-r, alimwi wa kali kujaya Banakristo boonse abo mbakali kukonzya kujata kujaya. Elyo—elyo oyu mukaintu wa simalelo, mupagani, a mudima ku moyo wakwe wini.

⁶⁶ Elyo cindi oyu wini Musalali Martin naka boola kukombelezezya, mukaintu wakwe waka mubikka kutobela ncico kuti kasola kukombelezezya abo Banakristo kuta jaigwa. Mubwini, cindi kumalekelo na kamujana, tii kwaagwasya pe, nkaambo wa kali mugwasyi uusyomwa loko kuli poopu oyu; aboobo wa kajaya abo Banakristo bakazwide Muuya Uusalala akwalo.

⁶⁷ Pele Musalali Martin wakali kuyanda kubuzanya a nguwe, nkabela balindizi baka muima ku mulyango. Ee, Musalali Martin wakawida ku busyu bwakwe a kulala alya a kukomba kusikila Leza waka mutondezya kunjila. Cindi nakabuka kuzwa awo, wa keenda ku milyango yaka kkiidwe nkabela yakajuka ilikke, waka zumanana kweenda.

⁶⁸ Lino, aya makani akale, oyu tali biyo muntuumwi kalemba kujatikizya nguwe, alimwi buyo mbuli muniini... Ikuti ncintu cili conse, nibaka basikucimwa kuta luzi, ikuti niyakali mbungano yakali kwaambaula; na, inga Nda amba, nokuceya, kapati mbungano yapoopu, nibata kaamba zintu ezyo. Pele, mwabona, makani akale alabalulula bwini. Mwabona?

⁶⁹ Elyo oyu mwaalumi wakeenda nkoonya kumbele, Musalali Martin, a moonya munsi lya mulindizi oonse, a zintuzyonse zimbi, nkoonya kumbele lya simalelo. Elyo simalelo takali kuyanda kulemekwa mulanda wa Leza. Nywebo mulizi, eco—eco tacili—eco tacili mu ciyanza. Aboobo waka nyona buyo mutwe wakwe alimwi taka mulemekwa nokuba. Nywebo mulizi eco Leza nca kacita? Wa kasola kwaambaula kuli nguwe elyo wa kazumanana buyo kunyona mutwe wakwe, nkabela Leza wakali kuyanda kubamba oyu muhedeni kulemekwa mulanda Wakwe. Aboobo Wa wakacuumpa buyo cintu, elyo caka muumpa konse kuzwa mu cuumo cakwe, kamu busya, aku mwii mikizya.

⁷⁰ Lino ayo—lino ayo makani aakale aa Bbaibbele, *Nicene Kkanso*. Wa keelede kulemekwa mulanda wa Leza; Wa kamucitya kwii mikila. Akwalo wakaumpa cuuno nca kakkede; mulilo kwinda mu mibili wakwe akuumpa tako lya cuuno, alimwi wa kacita kusotoka mujulu kuzwa awo. Leza uli jisi nzila ya kucita zintu, nywebo mulizi. Uh-humu. “Leza ulakonzya ku mabwe aya kubusya bana kuli Abrahamu.” Elyo mula yeeya, kuti Leza nguonya ukkala akati kesu sunumasiku. Ngu Leza nguwenya. Yaa.

⁷¹ Elyo mpawo aumbi Nge yanda, elyo mpawo Ndila leka. Ndi jisi imwi awa, pele Nda jana... Lino aya ngamwi Nge kali kuyandisya, kuciindi nakali kulindila bantu bakwe buzuba bumwi, mu mipailo mu kaanda kakwe kakubalila.

⁷² Elyo wa—wa kali muntu mulemu, nkabela wa kabweza eyi Mbungano yakazwide Muuya Uusalala, a kutuzapaula zyoonse... Oh, wa kali ii... balo bakazwide Muuya, boonse

ba mbungano yakwe. Elyo kwinda mu cisi coonse, Banakristo bakacita maleele a zitondezyo a zigambyo.

⁷³ Mwabona, Leza ula kanana ku mutumwa Wakwe, mutumwa ula kanana ku bantu buyo. Elyo mpawo nce cicitika, nywebo mwabona, Ula—Ula bamba basimbungano a nguwe kukonzya muli Leza; nywebo mwabona, Muuya Uusalala kaweenda kwiinda mu nkamu ya mbabo.

⁷⁴ Ziindi zinji niba kajaigwa nkaambo ka buzumini, ba kaimika mukutausi mpoonya akati kabo (mbuli *boobo*) a kuba jaya boonse ciindi comwe. Ino mbubi mbo bakacita ku bantu! Ba kabaumpa. Ba katola bantu aku bagagaila ampikili ku...ku zitanda, akwaangulula babwa bamusokwe, na...a kubalekela kulya kuzwa kusule lya muntu, kukwela matumbo abo kwiinda mu muntu katana sola kufwa. Kubweza banakazi, kuba tendaula ku nkolo zyabo, akuba lekela kwiimikila mbuli myoyo yabo mboya kali kudundaana, akucisa buyo kumvwa kucisa kuyabuya mane bakawida kumbele, akufwa, mbuli boobo. Kubweza bana babo kuzwa kuli bamatumbu bakali kutandila kuzyala akubasanizya ngulube a zintu, lekela bamatumbu baimikila a kwii langilila. Elyo misyobo yoonse!

⁷⁵ Lino, inga toyeyea kuti bantu balyaamba Bunakristo inga bacita ceeco. Pele amuswilile, Bbaibbele lyakati, Jesu wakati, "Ciyo boola kucitika kuti bayo mujaya, kabayeeya kuti bali muku cita Leza mulimo." Mula yeeya, oyo nguonya Jesu wakaamba ceeco, kwinda ku Muuya nguonya, waka caamba kumbele alubo ku ciindi camamanino. Ceelede kusika. Ikuti na ezi zimwi zyakauma kunjilana kabotu a Lugwalo, amulange akubona na tacizuminani ncobeni monse mu Lugwalo a monse mu makani akale. Leza wakati ciyo citika, ngaaya makani aakale aka caamba kuti caka citika; Leza wakati ciya kucitika awa, elyo mpaawa mpo cakacitikila. Mwabona, mbubonya buyo. Mpawo ncinzi nco tuyu cita cindi twa akusika ku Bukkalo bwa Mbungano ya Laodikeya (mwabona, mpo tubede lino) alimwi mapenzi a zintu zya kaamba alubo na?

⁷⁶ Aboobo, lino, mpawo eci, wa kali mukati omuya kakomba kuciindi mbunga yakwe niya kali kulindila. Elyo kwakali mukumbizi wakasika ku mulyango a kukonkomona aa mulyango wakwe, elyo wa kajula mulyango (elyo wa kali pakasizye), elyo wa kamwaambila kuti wa kali kuyanda ii—ii cikobela. Wa kali cinswe alimwi taakwe nea kajisi, kwakali kutontola, elyo wa kati... Wa kamutuma kubusena kuyo bona daikona mupati. Elyo daikona mupati waka nyonganisigwa nkambo ka nguwe aku mutanda. Elyo cindi nakacita, waka zuza kunze, wa kajoka alubo a kwaambila Musalali Martin kuti i—kuti wa—i daikona waka mutanda.

⁷⁷ Elyo aboobo mpawo, kutandila ciindi eco, oyu daikona mupati waka jokela mukati a kumwaambila munzila ya

musyobo wanguzu, kuti, "Mbunga yako ilindila nduwe! Uba citya kulindila!" Pele wa kali mu mipailo. Ncibotu kuti wa kkala mu mipailo kusikila walimvwa kusololelwaa kwa Leza kuzwa.

⁷⁸ Elyo oyu mukumbizi waka jokela ku mulyango. Elyo Musalali Martin waka samununa cikobela cakwe cibotu a kicipa ku mukumbizi, alimwi kajisi i—i—i daikona mupati kuunka a kubweza cimbi a kucileta kuli nguwe. Aboobo wa kacita kubweza cikobela, nekuba, a ku cisamika Musalali Martin. Elyo wa kasama cikobela cuubaukide kumbele lya bantu mucibaka ca cikobela cakwe cibotu.

⁷⁹ Mwabona ciinka buyo kutondezya: kopa cibotu kwinda eco nco jisi, kopa buumi bwako, kopa ciindi cako, kopa zintuzyonse kuli Kristo. Elyo oyo Muuya nguwenya waka pona muli Kristo, ulapona muli nduwe, a—a koongelezya kwako mu masena aengelede a ku bantu abo mbo beleka abo, kuyo kozyanya loko mbuli Kristo kusikila kuyo beleka cintu nciconya Kristo nca kacita.

⁸⁰ Kumalekelo ciyo boola kucitika kuti bantu baka kkala mu zimvule nkabela baka ponesegwa. Mbo—mbo mbubo, nguzu buyo zinji loko lya luyandisyoo kuzunguluka mbabo. Elyo ba kati "Cindi Musalali Martin nakali kukambauka, nakamana kuzwa kasamide cikobela eci cuubaukide, kuti mbunga yonse yakabona kumweka kwa Mumuni kuzunguluka nguwe konse." Uh-huh. Mwabona? Mwabona, nkaambo wa kacita cintu ciluleme.

⁸¹ Lyoonse kocita ciluleme, mulimo wako kuli Leza; koyeeya ciluleme, oyo ngo mulimo wako kuli lwako; alimwi weelede kuyutuka kabotu. Mbo mbubo, weelede buyo kucita.

⁸² Lino, tu yanda kutilika lino kusola kubweza ceelesyo eci ca bupanduluzi, sunumasiku, nkaambo Ci beleka awa canguzu kapati.

*Lino, kuli angelo wa mbungano ya Pergamo lemba;
Ezi zintu nzyaamba oyo walo ujisi abosya obilo-...
abosya...libosya lya mabemba obilo;*

⁸³ Lino Ndi yanda kuti mubone kuti Uli mukulizibya Mwini alubo sunumasiku mu Buleza. Mbungano yoonse yakali imwi ya ciimo Cakwe cabulemu: Oyo waka jisi nyenyeesi zili kkumi azibili...na "nyenyeesi zili ciloba mu janza Lyakwe, Oyo ujisi cceba libosya lya mabemba obilo," mwabona, cintucimwi cimbi, "Oyo ujisi matende aa mukuba, meso ayo aleenda a... mabangabanga aa mulilo." Uli mukulizibya Mwini kujokela ku Buleza Bwakwe.

⁸⁴ Lino nywebo mwati, "Mpaali Buleza mpo bubambilwe muli ceeći, 'Walo a cceba libosya lya mabemba obilo kalizwa ku mulomo Wakwe'?"

⁸⁵ Ee, cceba ndi "Ijwi." Bahebrayo 4, twa kalitola ku matalikilo cindi nitwa katobezya obo Buleza Bwakwe ansi. I cceba, twa

kajana kuti mu Bahebrayo 4:12, eelyo lyakali, “I Ijwi lya Leza lyakali kubosya kwiinda cceba lya mabemba obilo.” Sa mbo mbubo? Eelyo lyakali Ijwi lya Leza. Sa cili...? Okuya, lino amulangilile, nywebo ha-...amubweze bupanduluzi obu. Lino amutobezye Ijwi eelyo, Musalali Johane 1, “Ku matalikilo” (kaindi loko) “lyakali Ijwi eelyo lyakalenga majulu a nyika.” Sa mbo mbubo? “Elyo Ijwi lyakali a Leza, alimwi Ijwi bwakali Buleza. Alimwi Buleza bwakaba mu mubili wabuntu a kukkanaka akati kesu.” Sa mbo mbubo? “I Ijwi lyakaba mu mubili wabuntu a kukkanaka akati kesu.”

⁸⁶ Elyo ngooyu Uli imvwi awa, Umwi ku matalikilo, “Kwaamba eci kuli angelo wa mbungano ya—ya Perga...Pergamo. Kwaamba eci kuli nguwe kuti, ‘Ndili Ijwi lya Leza.’” Oh, tula Mu bona omuya mu Ciayubunuzyo, kaboola a cikobela Cakwe caka nikidwe mu bulowa, musyini aa mutwe Wakwe, katantide aa mbizi iituba, alimwi aa cibelo Cakwe kwakali lembedwe kuti, “I Ijwi lya Leza.” Oh, Nda ciyanda eco. Walo ndi Ijwi, Ijwi lya Leza. Aboobo tula bubona Buleza obu mpawo ku matalikilo, ku kulizibya Mwini, Walo ndi Ijwi.

⁸⁷ Lino, ikuti na Walo ndi Ijwi lipona, nkokuti Eli lilembedwe mu Bbaibbele ncibeela Cakwe; mpawo ikuti na mula konzya kutambula Eli, muli Nguwe (lili ndi Ijwi), eli Ijwi liboola muli nduwe ku lusyomo, ku Li bamba kuba lyuumi, nkaambo i... Oh! Amulijate Eelyo! I Ijwi liboola muli ndinywe, ikuti na Muuya Usalala uli mukati omuya, Li lapona mbo Lya njilila buyo, a cisyomezyo conse ncabwini. Taakwe... “Nkikaako, ikuti na waambilila dundu eli kuti ‘Ko zyuka,’ akuta zumbauzya mu moyo wako.” Nkaambo (inzi?) muli Buleza bwaambaula. Mula cisyoma na? Bbaibbele lya kaamba boobo. Alimwi kufumbwa nco mwaamba ciyo citika ikuti na tamu kazumbauzyi, ikuti na mwakonzya kugwisya koonse i—i kuzyala kwanyika, kulekela Muuya Usalala kumubamba kuba bana basankwa abasimbi bazwide iba Leza: taakwe inyika, taakwe kuzulwa, taakwe kuzumbauzya. Ino ncinzi, kai? To cili nduwe, ngu Leza muli nduwe. Mpawo ula bweza Ijwi Lyakwe, Calo ncisyomezyo, a kwaamba, “Taata, calo ncisyomezyo Cako.” “Saatani,...” Cintucimwi ceelede kuputa. Mwabona? Mwabona?

⁸⁸ Lino tokonzyi kucita ceeco kusikila Leza wayubununa kuli nduwe mpawo ako kaambo mbo keelede kuba. Mwabona? Mpawo cindi waziba kuti ako kaambo kayooba, mpawo inga waamba, mbuli Jesu. Wa *kali* Ijwi. Sa mbo mbubo? Elyo nekubaboobo Jesu, muntu, cikombelo, wakati, “Nse citi cintu cita Taata wa Ndi tondezya lutaanzhi.”

⁸⁹ Mpawo talili Ijwi kusikila mpawo lya yubululwa kuli nduwe. Sa mwacimvwa? Ta cigambyi bantu nco baamba “mazuba aa maleele akamana,” Ijwi tali yubunwidwe kuli mbabo. Ta cigambyi ncoba takonzyi kusyoma mu Muuya Usalala, Ijwi tali yubunwidwe kuli mbabo. Ta cigambyi ncoba takonzyi kubona

ciyubunuzyo ca lubapatizyo mu Zina lyu Jesu Kristo, i Ijwi talina yubununwa kuli mbabo nekubaboo; elyo nekubaboo taba jisi Lugwalo lomwe lwa kuunkila, taakwe busena bomwe awo umwi mpakasola kubbizigwa munzila imbi.

⁹⁰ Kujatikizya Muuya Uusalala, Bbaibbele lyu kaamba kuti “Taakwe muntu ukonzya kwiita Jesu kuti Kristo, cita biyo ku Muuya Uusalala,” elyo bantu mpawo baamba kuti taba syomi kuti Muuya Uusalala uli luzi. Mwabona? Mwabona, ta ubambilidwe mbabo. Jesu wakati, “Taakwe muntu ukonzya kusika kuli Ndime citakuti Ba Taata wamu kwela lutaanzi. Elyo boonse Taata mba jisi” (bbala lyamba cakainda) “ka Ndi pa bayo boola kuli Ndime.” Oh, sa eco tacili cibotu! “Boonse abo Taata mba Ndi pa, bayo boola kuli Ndime. Taakwe wabo uyo sweeka citakuti mwana wa lunyonyooko, alimwi Njo... (wa kazyalilwa bukanze obo), nkabela Njo mibusya alubo ku buzuba bwa mamanino.”

⁹¹ Oh, ma! Mpaawo ali mazina esu mpa bikkwa mu Bbuku lyu Buumi ilya Mwanaambelele: kuzwa ku malengelo aa inyika. Sa eco tacili cibotu! Mbobutu mbo tukonzya kuzumbauzya?

⁹² O Leza, kogwisya kuzumbauzya kuzwa akati kesu, kopalula buyo myoyo iitakweankoiya ya buntu kusikila kukabule kuzumbauzya akati kesu toonse. Oyo ngo mupailo wangu. Kopukuta buyo kuzumbauzya koonse, Mwami. Andi pone cabubotu, cabubombe, a kweenda mbuli i—mbuli kabelele ka Leza aa nyika. Kondi—kondi lekela kweenda mbuli Mbwa keenda. Kondi lekela kanana mbuli Mbwa kanana. Lekela makanze angu abe mbuli makanze Akwe. Kondi—kondi... Lekela bamwi bajane Jesu muli ndime. Kondi lekela sweeka kuli lwangu a ku kajana, Mwami, muli Nduwe. Nce ncico, kondi lekela buyo kusweeka kuli lwangu a kukajana muli Nduwe; kuvungililwa loko buyo muli Kristo mane kukabule busena bwa kuzumbauzya, buyo eco Nca mba.

⁹³ Lino, muta unki awa a kwaamba kuti, “Bulemu kuli Leza! Aleluya! Alumbwe Leza! Sa mwabona Nce konzya kucita? Bulemu kuli Leza!” Tona Ci jana pe. Eyo taili nzila Mbwa kacicita, peepe, kudukumika kaango Kakwe a kwaamba, “Mwabona eco Nce konzya kucita? Iiyi, munene. Ndime loko...” Nee. Ta katambula lumbaizigwa kwabuyo, Wa kakupa kuli Leza a kweenda cabubombe a cabubotu, a muwo munsi Lyakwe mane bantu bakayanda kuba munsi Lyakwe. Basinkondo Bakwe luzutu... Elyo Wa kabayanda loko mane awalo Wa kaba kombela cakuzumanana, ciindi coonse. Elyo oyo wakali mukozyanyo wanu, mukozyanyo wangu, kucita kuli bamwi mbuli Mbwa kacita kuli ndiswe.

⁹⁴ Lino, tu yanda kubona awa alubo lino, mu kampango ka 2, ako kanga kaba ka 13:

Ndi lizi milimo yako, alimwi—alimwi awo mpo kkala, akwalo... cuuno ca Saatani... alimwi ula jatisya zina lyangu, alimwi yebo toka tama lusyomo lwangu,...

⁹⁵ Mwabona, ba ponena awo Saatani mpa kkede, alimwi nekubabooobacili mu kubamba Zina lya Jesu. Mwabona, “Elyo kuta kukaka lusyomo Lwangu.” Ino musyobo nzi wa lusyomo Ndwa kabapa? Lusyomo lwa pentekoste, ku matalikilo. Ba kajisi lusyomo lwa Nikolai okuya, kabunga ka mbungano, azimwi zimbi, ba kali kuyaka, mbungano kaiboola kuba kunsi lya kabunga; pele Wa kati, “Mwa kazwa kuli eco, mwa kacisulaika, elyo Nda cita obo ambebo. Elyo tona kaka Zina Lyangu; tona tobela tukamu twabo tuniini twakaindi twa buzumini bwanguzuuzu a zintu, mwaka kkala cakutonkomana aa Zina Lyangu. Elyo ucijsi lusyomo Lwangu mbuli mbo lwakabede ku matalikilo.” Oh, Nda cibotelwa eco!

...kuta kaka lusyomo lwangu, akwalo mbuli abo mu i mazuba omo (Ndi yeeye kuti lyaamba kuti A-n-t-i-p-a-s-i) Antipasi wakali uusyomeka wangu sikufwida buzumini, oyo waka jaigwa akati kanu, awo Saatani mpa kkala.

⁹⁶ Ndila ima awa aniini buyo. “Cuuno ca Saatani.” Tu yanda kubaanga nkunyanyaala a zintu ezi, Ndi yanda kuti mu Ci jate. Amube masimpe kuti mulacita, eno. “Saatani, cuuno.” Lino, Leza wakaamba ku Matalikilo oko cuuno ca Saatani nko cakabede, alimwi eco cakali mu Babuloni. Lyoonse cakali cuuno ca Saatani, alimwi mu Ciybunuzyo cakali cintu nciconya. Pele, ikuti na mwalangisa, Babuloni yaka licinca lwayo kuzwa ku *bupagani* kuyaku “bupoopo.”

⁹⁷ Elyo lino mu myaka mitaanzi, na kakutanaba buyo eci kucitika (myaka misyoonto), Cuuno ca Saatani cakayaka cipati... Ndi yeeyela kuti mu mwiita kuti mupai... mwaami-mupaizi wa ba Chaldiya. I kabunga kazyuuno ka Babuloni kakacinca cuuno cakwe cindi bana Persia nibakali kumu tandaanya, elyo wa kasiya Babuloni. Zina lyakwe wakali A-t-t-a-l-u-s, Attalus, mupati mwaami-mupaizi wa Babuloni. Cindi bana Persia niba kanjila a kweendelezya Babuloni, kabatanda bana Chaldiya; Attalus, mwaami-mupaizi wabo, waka cija a kutola cuuno cakwe ku Pergamo. “I cuuno ca Saatani mpe mpawo mpokkala.” Mwa cimvwa?

⁹⁸ Lino, nke kaambo Nce jokela kubweza aya makani akale kuzwa ku makani aambungano, kujana oko... kuli ceeco caka citika cindi Na kati, “Yebo ukkala awo cuuno ca Saatani mpo cibede.”

⁹⁹ Nda kayeeya, “Ee, ino inga cabaaali, cintu cimwi, ‘cuuno ca Saatani?’” Mpawo Nda kajana kuti oyu mwaami mupati, naka mana kucija kuzwa kukuzunda kwa bana Persia bakeendelezya (kweendelana ku cilengaano ca Daniele), wa kaboola ku munzi

oyu wa Pergamo, ku Rome, elyo mpaawo kwa kabamba masena akwe akweendelezezya. Saatani wakalonzya masena akwe akweendelezezya kuzwa ku Babuloni kuyaku Pergamo, oko (kuciza) nkwa kali kuyo talika Babuloni mupya. Oh, ma! Lino mwajana ntalisyo awo mpo tubede. Yaa.

¹⁰⁰ Lino, nkabela awo wakajaya oyu mukwesu mubotu loko, waka jaigwa okuya nkambo ka lusyomo, Antipasi.

¹⁰¹ Mpawo kucinca mancenjela akwe. Lutaanzi wa kali sikupenzya wa Banakristo. Oh, obo mbwa kasulaika Bunakristo! Elyo wa kali mwaami-mupaizi mwini, muhedeni ku bulenge a mubwini. Mpawo wa kacinca kulanganya kwakwe a kuvwaana a Constantine.

¹⁰² Constantine lyoonse wakali kulanganisiga (akwinda ku bupoopu asunu) makankilo aabupange bwa Knights ya Columbus, eno, oyo akapa cikonke ca malowa manji. Pele Constantine (Nda amba eci alulemeko a bulemu), ku nzila yangu ya kucibala kuzwa ku makani aakale, kwiina naka sandulwa.

¹⁰³ Lino, wa kalota ciloto busiku bumwi, kuti na... wa kabona ciingano, a kwaamba kuti kwiinda kuli ceeci uyo wina nkondo; alimwi i... nkaambo waka syomezezye zyalugwasyo ku Banakristo, kuti nakaba Munakristo, kuti niba kamukombela kuwina eyo nkondo. Elyo Nda kaima munsi lya cizabukilo okuya, kuti oko nkwa... ku lubazu lumbi lwa cizabukilo cabo, kalede, wakalota ciloto eci; a kusinsimuka, a kupenta ciingano cituba aa ntobo zyakwe a boonse basilumamba bakwe. Elyo mpaawo mpoba kapangila bupange bwa Knights ya Columbus ili kunsi lya bwendelezi bwa Katolika ya Roma. Pele ta kacita cintu comwe cabukombi; cintu luzutu nca kasola kucita nceeco cilembedwe mu makani aakale, mbuli Mbwe kasola kubona, kwakali, wa kabikka ciingano atala lya Mbungano ya St. Sophia. (Huh!) Pele wa kali situnzenyu, elyo cindi na kali simalelo wa Rome ku ciindi eco, walo a mupaizi oyu wabupagani, antoomwe, wakavwaanya akuleta mukati mbungano yakali kukasaala itegwa Nikolai ku ciindi eco. Bunakristo, obo bwakali kuyaama ku bupaizi, nkabela wakali kubuyanda mu mbungano yakwe, cakuti twa kabweza kubala kuciza kwa mbungano ya Efeso, a zimwi zimbi, a—a zya Smurna; abo ba Nikolayi.

¹⁰⁴ Lino ba Nikolayi bakaba ii...kutali "micito" mbuli mbo cakabede kaindi ku matalikilo *awa*, pele *njeeyi* ili ni "njiisyoo." *Njeeyi* yakali ii "micito," bakali kusola kunjila mukati; pele awa mu bukkalo bwa mbungano yatatu yaba "njiisyoo," bapaizi bapati, balombwana bapati. Takali na baita kuti bapoopu, lino; pele bakali kwiitwa mbuli, kuti, maachibishopu, balombwana bapati, nywebo mulizi, bakazizilwe. Elyo njiisyoo yabo yakali, yakali, yakali ya kalengwa.

¹⁰⁵ Ba kali kuzwa ku Mbungano iizwide Muuya, yakali kusololelwa a Muuya Uusalala. ba kabalekela kuleya mu

busyoontu a kubaita kuti “basibuzumini bwiimpene,” nkaambo tiiba kazuminana a mbabo kuba a tubungwe otu tupati. Pele Mbungano yakali kuyanda kukkala cakulikwaya kunsi lya bwami, kunsi lya nguzu zya Muuya Uusalala mbuli Kristo mbwa kaba syomezya; Wa kali kunga uli a mbabo, alimwi oyo wakali Mwaami wabo. Oh! Mwaami wabo!

¹⁰⁶ I Mbungano yakasimpe taina cinca kulanganya kwayo, kuta endelezegwa aa boodi imwi ya—ya... Ta ndizi mbo mubaita okuya, makkadinolo, a mabbishopu, a bapoopu, bantu batakakilwi. Tula syoma kuti kuli Umwi utakakilwi, Ngu Mwaami wesu, Ngu Jesu Kristo antoomwe a ndiswe lino mu ciimo ca Muuya Uusalala; Leza muli ndiswe, kapana akati kesu, katu soleola a kutweenzya mu meenda a Buumi, kalizibya Mwini; katondezya, mbuli Mbwa kacita akati ka basalali abo bataanzi a bakafwida buzumina bwabo, kuti Wa kali Mwami Leza wa bulenge, kuponya balwazi, kubusya bafu, kutondezya silengaano, kutanda madaimona.

¹⁰⁷ Taakwe cindi comwe Ne kakonzya kujana cintu comwe, ba boonse bamabishopu ba mbungano yaba Nikolayi abo bakapanga kabunga kazyuno ka Rome, poopu; taakwe ciindi comwe mu makani aakale notwa kajisi bumboni bumwi bwa baabo bamabbishopu kusola kubusya bafu, na cili conse mbuli eco, nkaambo Kristo (bubuke) tee bwakali mu myoyo yabo. Ba kalivwaanya a kuleya ku kabungwe, kasambala bupati bwabo bwakuzyalwa. Pele Mbungano ya Leza muumi yaka jisi nguzu zya Kristo, mbungano imbi yaka jisi nkumekume muli njiyo; pele Mbungano ya kasimpe yaka kkala a Muuya. Sa mula mvwisya? Ncibotu.

¹⁰⁸ Lino eci... Aboobo Constantine, ku kuswaanganya bwami bwakwe antoomwe, mboobu mbwa kacita. Wa kabweza abo ba Nikolai, a kuunka kuli mbabo (eco cakali ciimo ca Bunakristo). Sena mwa cimvwisya kabotu? Ba kali Banakristo, bategwa; Banakristo balibanda, bata kajisi Muuya Uusalala. Oh, Ndi syoma kuti eco cilamvugwa muli ndinywe kutegwaa muta cilekeli kuunka. Mwabona? Ba kali Banakristo, Banakristo batubungwe, kabatakwe Muuya Uusalala. Ba kali Munakristo ku zina, ba kali Munakristo kwinda ku kuswaangana kwabo antoomwe, ba kalya mulalilo, alimwi baka bamba malailile; pele, bakakaka busololi bwa Muuya Uusalala. Tiiba kajisi zitondezyo a zigambyo akati kabo, ba kataminina kuti zintu ezyo zyakali kaindi; ba kacita kuyaka mbungano ya bulelo. Tula cinjila aniini, musyobo wa bulelo mbowa kabede. Mwabona?

¹⁰⁹ Lino, aboobo mpawo Mbungano ya Muuya Uusalala yaka Li tantamuna ku zintu zili boobo. Pele, mu Pergamo, konse kwaka lembelwa *angelo* wa mbungano ya Pergamo. Mwabona? Nkaambo kakuti Wa kali mulimo wakwe lino kucita ceeći.

¹¹⁰ Pele Constantine takali kuyanda Bunakristo, wakali kuyanda kuleta basikale bakwe bapagani, mbungano yakwe yabupagani. Elyo Laodikeya eyo yaka bbide a...na Nikolai eyo yaka bbide akusimpwa mu Rome nkabela yakabambide kutondezya kupati, alimwi bunji bwa bantu bakali basyomi Banakristo (bategwa), basitulengwa. Elyo Mbungano ya kasimpe yakali mu busyoonto; lyoonse yakali a lyoonse mboya kabede! Ndila lindila buyo aniini, aku lekela eco kumvugwa cakusakana nconzyo. Mwabona?

¹¹¹ Amuyeeeye, Mbungano ya kasimpe lyoonse yakali nkamu niini eyo yakatandwa kuzwa ku mambungano ambi. I Mbungano ya kasimpe taakwe niya kabunganisigwa, nkaambo taili cintu cipona, walo Mubili wamakanisidwe wa Jesu Kristo muumi aa nyika, Muuya Uusalala kaweenda mu mamembala aya. Aboobo tamu konzyi kubunganya Kristo, tamu konzyi kucicita. Ndi yanda kuti mujatilile kuli ceeeo ku Bukkalo bwa Laodikeya, eno. Elyo amu ciyeeye a kucibamba, nkaambo Ijwi lyoonse Nde kanana lili aa teepu eyi. Elyo lino amuyeeeye, amu cibambe mu mizeezo: Mbungano ya bwini iya Leza taakwe niya kabunganisigwa.

¹¹² I mbungano ya Katolika nkabunga kataanzi kakasola kuzibwa mu inyika, taakwe nikwa kasolede kuba kabunga, alimwi ni—ni “mbungano yeendelezya” mbuli ba Katolika mbo baamba kuti mboibede. Ni “mbungano yeendelezya.” Nyina wa mambungano aa tubunga. I Bbaibbele lyaamba kuti mbwakabede, aboobo tamu konzyi kukazya kuti cindi baamba kuti eyo ni “mbungano yeendelezya,” ni i “mbungano yeendelezya.” Waa katondezegwa mu Ciyubunuzyo 17, tula sika kuli nguwe cigaminina. Yaa.

¹¹³ Lino, aboobo Constantine, a ceeci mu mizeezo yakwe ku kuyumya bulelo bwakwe (mbuli Rome mboya kacita lyoonse, ku kujatila makkii ku inyika), wa kacita kuleta mizeezo yakwe ya bupagani a kubweza mizeezo ya Bunakristo, alimwi bumwi kubavwaanya antoomwe, ku swaanganya ceeci antoomwe a kulibambilila bulelo bwakali kunooba bwabili kutali kuli umwi. Mwabona? Nkaambo kakuti wa kali... Eco inga ca mubamba kuba mweendelezi mupati maningi mu inyika, Constantine.

¹¹⁴ Elyo kuciimo mbuli kusanduka: wa kali—wa kali situnzenyu, pele kutali musalali wa Leza, mbuli bamwi babo mbo basola ku mubamba. Ta kali obo! Taakwe cintu comwe nca kasola kucita eco cakamvwika mbuli Bunakristo kuli ndime. Aboobo ali imwi ya mambungano aba Nikolayi wa kabikkwa ciingano; alimwi kuciimo mbuli cili conse nca kasola kucita cakaboneka mbuli Bunakristo, Nse kacibona; cita naka... obo busiku naka zipenta ntobo zyakwe, mbuli *okuya*, nkaambo wa kajisi ciloto, Banakristo bakali kumukombela kuti akawine nkondo.

¹¹⁵ Lino, mpawo nikwa kayumya bulelo bwakwe. Elyo mpawo kucita ceeći, wa kaleta mu kusekelela kwa bupagani, omuya mu mbungano ya Bunakristo iya Nikolayi. Nda iita kuti mbungano yakaindi yakabungwe eyo yakali kupangwa. Wa kaleta kusekelela bupagani okuya mu mbungano eyi yaba Nikolayi, nkabela oko kwakali kuzyalwa kwa Bukatolika.

¹¹⁶ Lino, mukwesu, Ndi balulula makani akale. Ndi jisi zyuulu zya beenzuma ba Katolika, alimwi bali buyo mbuli beenzuma banji mbuli ba Protestantni mbo babede. Pele ba Protestantni taba konzyi koongolola, amulindile buyo mane sunumasiku, mwabona. Mwabona? Bayo bona kuti bakacita cintu nciconya. Mupika taukonzyi kwiita nketulo kuti “ilinambene.” Mwabona, nkaambo calo—calo cintu buyo nciconya, muuya nguonya wakanjila akati kabo. Elyo mpawo muyo bona kaambo Nce tapatila lyoonse cintu eco. Nkaambo cili lubide! I Muuya nguwenya muli ndime, ikuti na Nda sola ku, alimwi cintucimwi muli ndime cilaompolola, Ndu umuna buyo kujatikizya ncico, lyoonse kacita. Ba ita . . .

¹¹⁷ Bantu bapati, basololi bapati babukombi baka ndaambila, “Uyo nyonyoona mulimo wako. Mukwesu Branham, ucita zintu” kati, “oyo—oyo tauli mulimo wako. Leza waka kwiita ku kombela balwazi.”

¹¹⁸ Leza waka ndiitila kucita kunji kwinda kukombela baciswa. I baciswa ncintu biyo comwe kutegwa Nda jata buyo kuswiilila kwa bantu, nkabela nku koonse; balwazi, kukombela balwazi ncintu ciniini. Mwabona? I *Mulumbe* ngo nguwe ngu twa ambaula. Zintu ezyo zila joka; uuciswa, muntu, muntu uuciswa inga waponesegwa a kufwa alubo. Pele muntu wakazyalwa ku Muuya wa Leza uli jisi Buumi Butamani. Aboobo Leza tainki buyo koonse ku kuponya baciswa mbuli boobo. Eco cipego cili moonya mu mbungano ku mubili wamubusena; cimwi awo, mpawo cimwi cimbi, elyo mpawo cimwi cimbi, mpawo cimwi cimbi. Mwabona? Kuti, zipego, ziindamo buyo mu mbungano. Pele Cila inda obo, alimwi Nda syoma mwa Ci jata. Yaa.

¹¹⁹ I kuzyalwa kwa Bukatolika, kutegwa kucitwe eci, ku kujata i—i meso a Banakristo akwalo meso a bapagani, kuba swaanganya antoomwe akupanga mbungano yomwe.

¹²⁰ Oh, Ni Nda jisi ceeco ono, cibeela ca mutende muntuumwi ncakabikka awa busiku bumwi. Nda kali kuyo cileta, elyo Nda kaciluba; zintu zinji loko kazibikkidwe koonse mu kaanda omuya. Bali mukucita cintu ncionya lino, alimwi mwaka citalika cindi nimwa kasala muntu wa mamanino ngo mwakasala. Bala beleka lino kuti bajane akwalo Bbaibbele lita kanyonganyi Katolika, nanka ba Juda, nanka ba Protestantni. Baya kupanga Bbaibbele liyo elela cintu conse. Sa tamu konzyi kubona bupyungi bwa Constantine umbi? Makani aakale ala liloolola eni. Lino, nywebo mwabona, elyo Nda kajana i . . . Mwa

kandimvwa nke cibala busiku bumwi, embo na? Elyo Ndi—Ndi cijisi cili bikkidwe ku ng'anda, elyo bakali ku cibeleka kwa ciindi cilamfu.

¹²¹ Lino balati, “Mu '62 bayo...” Alimwi amubone oyo Poopu John XXII wa sika i... kalomba mambungano onse maniini akazyalwa kujokela ku mbungano yeendelezya. Muta pengi, uyo cita. Bayo cita! Uyo cita, bali jokede kale. Ta beelede kujokela, bali kale omuya lino.

¹²² Mbuli Mbwe kali kwaamba, “Eci cisi cakati, ‘Ee, ikuti na Ba. Kennedy bala salwa, ba Katolika bayo tola bweendelezi.’” Kweendelezya? Ba kacita kale kwa ciindi cilamfu cakainda, nkabela tamuzi cintu kujatikizya ncico. Nguni uvozya bamaiyi babo? Mbobuti mbo bajana zintu ezi kuunka ku zikolo zyabo, a kwiiya Bukatolika moonya mu cikolo? Alimwi noba sikupa mitelo mula kubbadelela. Oh, nkoonya kunsi lya mpemo yanu, mwabona, mbuli obo. Oh, ma, obo mbwa kabeleka! Elyo Bbaibbele lyakati uyo bubweza kwinda ku kunyomenezya, nkabela wa kacicita; mwabona, mbo mbubo; mwabona, kupa mitelo ali cabuyo. Aboobo, oh, kuli kunji loko kunga kwaambwa awa. Ndila yandika kukosola kuzwa ku tubeela ooto, a kujoka alubo kuyo bweza.

¹²³ Kutegwa kubambwe cintu eci kubeleka, Constantine wakayaka masena manji akulisangabalisyaa anyika ku kukwelelezya kumvwa kwa boonse Banakristo ba pagani a Banakristo mu mbungano. Sa muli basimiyeeyo ya kumuuya? Sa mula yeeya? Sa oyo tali Mulumbe wa Oora? I mbungano ijisi misobano ya njuka, marpati, kupa myootokla, a kuzisanganya buyo antoomwe, kuswaanganya ezyo nguzu kujoka antoomwe mane bakonzya kujana busena bubotelzya, mpoonya awa.

¹²⁴ Lino, ayo makani aakale, umwi uta jisi—jisi kaleba kakukwenga, ba kabalulula buyo eco cakacitika. Pele wa kacicita, kaswaanganya mbungano antoomwe kwinda kukuba akulisangabalisyaa kwanyika, ku kuleta antoomwe mbungano yaba Nikolayi. Lino amuyeeeye, ta kakonzya kuguma Mbungano eyo ya kazyalululwa. Peepe, munene, kutali umwi wabo. Pele mbungano ya Nikolai yakalengwa yakacengwa kuli ncico.

¹²⁵ Elyo ino tujisi nzi mu mambungano esu aba Protestant? Zilalilo zya misinza, kulisangabalisyaa, kusobana kusyululika, (Oh, ma!) kusambala kwa tusila, a zintuzyonse zimbi, mwabona. Lino, mulizi kuti obo mbwini. Ee, lino, ikuti na eelyo—ikuti na eelyo ndi Ijwi lya Leza, beenzuma, bwalo Mbwini. Elyo mambungano oonse aa Protestantji ajisi mulandu! Mwabona?

¹²⁶ Lino, kwiina naakali mabambe aa Leza ku—ku ba amisinza a zizyano mu twaanda twaansi, a zyo onse nzoba cita, ku kubbadelela mweembeli a zintu. Ikuti na bantu baka yiisigwa kupa kwakkumi, eco inga caba conse ciliko okuya kuli nkuko. Ayo makanze aa Leza. Pele Leza uli jisi mabambe, pele muntu

uyanda kubamba mabambe aakwe mwini, kutintanya mabambe aa Leza. Yaa.

¹²⁷ Lino, mu kucita ceeći, baka vwaanya a kubamba ntaanzi... kapanga mbungano ntaanzi ya Katolika, kumane. Mpawo ku Nicene Kkanso mpatti ntaanzi... Cindi Ne kabala eco, Nda kawida buyo ku mazwi angu. I Nicene Kkanso mpatti yakali citikide mu A.D. 325, boonse babo baka letwa antoomwe, bamabbishopu a matata aa lusyomo lwa Bunakristo aka letwa antoomwe ku Nicaea. Ako nke kaambo nco yiitwa kuti Nicaea Kkanso, mu A.D. 325. Elyo kutandila baiminizi bali myaanda ili kkumi ayosanwe bakasika ku i—i—i muswaangano mupati, na kkanso, kutandila baiminizi bali myaanda ili kkumi ayosanwe, nkabela basimbungano bakainda bamabbishopu bosanwe kuli omwe (mu baiminizi); pele nekubaboobo, kwinda muli ba Nikolai (basitubungwe) alimwi mabambe a Constantine ku tunzenyu, ba kainda kuvoota kwinda Mbungano ya kasimpe a kujana kuzunda, a kunjizya bamabbishopu a mabambe aasalala aa bantu; kugwisya i—i Muuya Uusalala kuzwa ku muswaangano, aku cibikka aali bamabbishopu, bamakkadinolo, a bamapoopo, abamwi.

¹²⁸ Njionya milomo ya bumpelenge eyo Demokratiki parti njoya kacita mu cintu eci camamanino! Lino, mbo mbubo. Lino, ta tuli... Inga nda... Elyo ba Repablikani inga baba buyo baubaukide. Pele Ndi kanana makani a cintu comwe eco ncoba katondezya (Edgar Hoover) mu California, a masena manji aambi: ba kajisi eyo mincini ya kuvootela kubikkwa oko nko konzya kuvootela Ba. Nixon, wa kacita kuvootela ba—ba Kennedy ku ciindi ncionya. Ta kajisi coolwe. Ee, lino mukuti batondeezya kuti “balilubide,” mpawo nkaambonzi ncobata citi cintu cimwi kujatikizya ncico? Tu pona mu oora, nce ncico, tuli ku ciindi camamanino. Bali cizyi, ba katondezya kuti bakali bampelenge, alimwi eno taba citi cintu kujatikizya ncico.

¹²⁹ Eyo yakali nkamu ya bampelenge kaindi okuya, nkabela nkooku kuzyalwa kwa ncico alubo: ku njila mu muntu umwi, ku jana njiisyo imwi; njiisyo yaba Nikolayi, eyo yakali buyo ii—ii *micito*, lino yaba “njiisyo.” I mazuba aa Al Smith kuti yakali *micito*, pele lino ni “njiisyo.” Uh-huh, uh-huh. Lino ili waano, ili aali ndiswe. “Oh, uyo bamba muleli uli kabuto kapati,” taakwe kuzumbaunya eco mu mizeezo yangu; nconzyo, ku ciindi citobela cipedwe, mane wa konzya kuswaanganisigwa mukati, kubweza aba basitulengwa bapagani a Banakristo kuswaanganisigwa antoomwe.

¹³⁰ Bali mukubeleka Mabbabbele, kusola kulileta antoomwe, bamapoopo, bamakkadinolo. I archibishopu waku England, archibishopu wa Canterbury, Nda kamuswaana, kasukana maanza a nguwe, kaambaula kuli nguwe, lwangu, cindi Ne kali mu England; zisani zitegwa legeni kutanta kutandila ku cikungu cakwe, alimwi (Oh!) musyobo wa mulombwana wakasamide

cigambya. Pele wa kaunka okuya kuyo swaya poopu, ciindi citaanzi niba kaswaya kwa myaanda ya myaka. Ino ncinzi? Tuli ku oora lyamamanino!

¹³¹ Nke kaambo Ndi liimvwi awa sunumasiku mubusena bwa kuba awa aa cibumbili abusena bumwi kusola kukambauka akukombela baciswa. Elyo Nse konzyi kuswaangana boonse aa cibumbili (eyi milumbe iloolola a kuloolola), alimwi nke kaambo tuubikka a mateepu Walo a Ku tumina ku inyika, inga bacenjezegwa a kujoka ku Lusyomo.

¹³² Akwalo ku mamanino aa bukkalo bwa Banakristo, Judi, kakutana lembwa Bbuku lya Ciybunuzyo; Musalali Judi, waka yeeyelwa kuba munyina (munyina wakujana) kuli Jesu, wakati, “Ndi yanda kuti mulwanina cakusinizya Lusyomo lwaka pegwa ku basalali ciindi cimwi.” Ba katalika kuzwa kuli ndulo mpawo, kwinde lufu lwa Mwami Jesu. Elyo lino citantamukide buti kuzwa sunumasiku? Mwabona.

¹³³ Lino, eyi Nicene Kkanso ntaanzi, alimwi yakali mu A.D. 330...325. Kutandila baiminizi bali myaanda iili kkumi ayosanwe a mabbishopo bakajanika ku muswaangano, pele baka bacincila muzeezo, mukutasalalilwa kumwi, yakali kkanso yakulimvwa kukazyanya kupati. Elyo baka bacincila muzeezo, akuvoota kuti ba Nikolai beendelezye, alimwi oko kwakali kubweza i...yonse mbungano akwibikka kunsi lya kulangwa kwa bamapoopu na—na bamabishopu, na cintucimwi; kubweza nguzu kuzwa ku Mbungano a kuzipa kuli bamabbishopu, cakuti bamabishopu beelede kulela Mbungano alimwi balikke buyo baka jisi cimwi cakwaamba kujatikizya Njiyo.

¹³⁴ Sena mwa kabona mu mbungano ya Katolika sunu? “To konzyi kubala elyo Bbaibbele, takuli kuli nduwe kupandulula. Oyo ngu bbishopu.” Mwabona na nkocaka zwida? Lino inga mwabona obo ba Nikolai mbo bakabede nconzyo kaitana talika kucwema a kuyavula. Ya kazyalwa mpoonya awo. Obo mbwini. Elyo yakali ciimo ca Bunakristo; icili obo!

¹³⁵ Elyo mpawo zikozyanyo zya Protestantii kutobela njijo ncobeni. I Bbaibbele, mu Ciybunuzyo 17, lyakati, “I banyina a bana basimbi.” Tula sika kuli ncico kwainda kaindi, Mwami nawayanda. Lino ula bona kuti nciconya asunu, batola bweendelezi. Lino, Constantine waka belesya mancenjela a Balamu.

¹³⁶ Lino, Ndi yanda kuti musola kuswiilila kabotu mbuli mbo mukonzya. Lino, Wa kati awa, mu Bbaibbele awa, “Jatisya lusyomo Lwangu.” Lino:

...ndi jisi zintu zisyoonto zyakulwana nduwe,
nkaambo yebo wa...yebo...nkaambo yebo uli jisi abo
oko... (kutali aba awa, pele okuya; bali bajisi balo, “uli
bajisi mu i—mu mbungano ya Pergamo,” mwabona)...
jatilila njisyo—i njisyo ya Balamu, oyo wakayiisya

*Balaki kubikka cilebyo kumbele lya bana ba Israyeli,
kulya zintu zituuwlwa ku mituni, a kucita bwaamu.*

¹³⁷ Lino, Constantine wakabelesya mancenjela ngaonya Balamu nga kacita. Ba kajisi muswaangano kumane oyu muswaangano wa kkanso awa oko bama bbishopu nkoba kabikkwa kulanga mambungano, azimwi, ku yeendelezya, akutola nguzu zyonse kuzwa kuli basimbungano, “Elyo tii baka jisi kuliyeeya beni, nanka kuti bali jisi nguzu zili zyoonse zya kupandulula Magwalo.” Elyo kuti coonse cakali ku bapaizi, bakeelede kupa bupanduluzi bwa Magwalo.

¹³⁸ Kumalekelo, kwiinde kaindi, ba kapanga mupaizi *simalela*, alimwi ba...sikwiiminina, oyo wakali poopu. Pele lino baka boola ku kasena oko nkoba kacibikka, “konse i—i kumvwisya nkwa bapaizi, alimwi mbunga ta yeelede kubala Bbaibbele, taakwe nco beelede kucita;” elyo, mukasimpe, ba...Bbaibbele lila kasigwa kuli mbabo. Elyo lino ba—ba kacitolat conse kuli mbabo beni nkabela caka vootelwa kuli ndiswe nkaambo cakalibonya kabotu.

¹³⁹ Ca kalibonya kabotu nkaambo bakali vubide abumwi, alimwi wa kapa i...Ku muswaangano oyu mupati, cindi na kaita antoomwe, Constantine wakapa bamabbishopu mayake mabotu; wa kajisi mali alimwi—alimwi onse aya masena mapati malemu...mbuli mayake, wa kapa aya ku mbungano, kuti bakonzye kwa belesya mbuli—mbuli maanza akukombela. Oh, akali mayake mabotu, onse akabambidwe kabotu abumwi, aboobo wa kaapa ku mbungano.

¹⁴⁰ Kunze lya obo, wa kasamika aba bamabishopu zikobela zipati zyabulemu, a zisani zyakunsi a zintu kunsi lyabo. Alimwi kunze lya obo, wakababikka atala a...na kuyaka masena asumpukide mbuli aya, akuba bikka atala alya mbuli mituni. Alimwi kunsi lyazyo wa kabamba zipaililo zitubuluka mabwe, kunsi lyabo. Elyo wa kacita kusandula oku koonse, kuzwa ku muzeezo wa bupani, ku, a kuleta Bunakristo muli ncico kwiinda kukubweza bbishopu wabo. Mwabona, baka mwaya buyo mituni akutansika bbishopu. Mwabona, kumubamba kuba cipaililo, cintu nciconya, a kumubamba kuba kaleza. Kutansika bbishopu, elyo wa kajisi nguzu zya kwaamba, kamusamika atala akumu bamba kulibonya mbuli kaleza. Mubusena bwa kumubikka mbuli tuleza twabo twa bupagani, baka musamika cikobela mbuli Jesu mbwa kali kusama. Mwabona? Elyo baka mubamba kuboneka mbuli mutuni kakkede alya.

¹⁴¹ Oh, inga mwayeeya obo mupagani mbwa kaamba, “Ee, Nda konzya kuunkila ceeco, kuli muntuumwi uukonzya ku tuvwiila. Twa kali kwaambaula ku mituni, pele oyu muntu inga wa tuvwiila.”

¹⁴² Obo Banakristo mbo bakayeeya, “Ee, eco cili kabotu buyo. Lino inga twa cita kufumbwa cintu nco tu yanda nkaambo kuli

kaleza kesu. Inga twa buyo...Inga twaambaula kuli nguwe, inga wa twaambila kujoka eco cakucita. Ikuti na twa bisya, inga twa mwaambila kujatikizya ncico, ku mupa cintucimwi ciniini, a ciniini...kucita zya novena na cintucimwi ciniini; elyo cintu citaanzi mulizi, tuli buyo kabotu, akujoka akulimvwa kwaanguluka alubo. Muta libiliki kujatikizya cintu.”

¹⁴³ “Oh, eco calibonya kabotu.” Masimpe! Ci lacita ku mizeeo yakunyama, pele toka konzyi kusyonka eco mu mwana wa Leza waka zyalululwa. Teeba kakonzya kucicita. Nkambo uli zyi Oyo ngwa kasyoma a kulamwa kuti Ula konzya kubamba ceeco cakapegwa kuli Nguwe ku buzuba obo. Elyo kuluba zintu zyakaindi, tula bindaanina ku mbaakan ya lwiito lwaatala muli Kristo. Amen! Oh, obo Mbwe lumbide!

¹⁴⁴ Cipaililo camabwe atubuluka kunsi lyakwe, kubikka atala awa, kusamikwa nconzyo, mbungano mbotu. Oh, ma, zyonse zyaka bambwa. Yaa. Elyo eci cipaililo cakali yalidwe, eci cipaililo camabwe atubuluka, cibotu. Mweelede ku cicibona asunu, cintu nciconya. Kwakayalidwe ngolide, akubikkwa mabwe mayandisi, ngale mu cipaililo eci. Cibotu! Kwakali kweelela maningi kuli ba Nikolayi aku bapagani. Mwabona eco nca kacita? Wa kabweza mapobwe aa bupagani, mizeeo ya bupagani; a kubweza Bunakristo, bwatulengwa butontola obo bwatakazi kabotu loko, bata kajisi Muuya Uusalala waku basololela bwandeene; akuli bambila kaleza ano a nyika, a kubapangila cipaililo, a kaleza kakakkala alya akubajatila zibi zyabo. Sena muli basimuuya? Sena ulamvwisya eco Nce wamba? Mwabona mbo cibede? Ii cibi kacipa kujatilwa aa nyika.

¹⁴⁵ Nse balululi eco ciimo ca mizeeo yangu, ayo makani akale. Mupa peegi a mweelwe wa makani aakale asetekene, mbubonya buyo mbuli Mbwe konzya ku mwaambila George Washington, a Abraham Lincoln, a Nkondo yaku Gettysburg, azimwi. Masimpe, zyonse zintu ezyo zyakale Nze balulula awa.

¹⁴⁶ Lino, mpawo cakali kweelela loko ku...kutali ku Mbungano eyi ya kazyalululwa. Peepe, munene! Ee, cindi niba kabiikka mutu kutala okuya lino, kuba bbishopu mupati, ku kuloolola mapobwe, mubwini oko kugwisya Makanimabotu Aazwide kuli ncico. Cila cita asunu. Alo makkalo aka tolelela, kunjilana buyo, mwabona; ciimo cimbi, buzuba bumbi. Oh, cindi niba kabiikka nkumekume atala alya mbuli kaleza, nkabela wakali kuba a mapobwe akali kwaambwa.

¹⁴⁷ Elyo amubone kuti bapagani bakali kukomba kuli basinsiku babo bafu. Alimwi mbungano ya Protestant iakali kunga yaima kwaamba kuti, “Ndila syoma mu Mbungano ya Katolika Iisalala ya Roma iya mulalilo wa basalali.” Noba Methodisti mula sisa masyu anu, ba Presbyteria, aba Lutherani. Kufumbwa cintu cikombelezezya ku bafu nca mizimo! Masimpe. Pele, lino, muna Protestant takonzyi kuseka wa Katolika, ula cita cintu

nciconya, ubamba oku kulyaambilili kuli jisilidi kuti usyoma cintu nciconya; kujoka kubbizigwa monya mu mbungano ya Katolika kwinda ku lubbizyo lwakwe lwa maanzi, kukaka a kufubaazya bantu abo basola kupona kabotu obo; kuunka ku mbungano a kubona bantu kabaongolola kunsi lya nguzu zya Leza, a kwiima aanze a ku Li fubaazya. Koonse oko.

¹⁴⁸ Mwabona, myuuya taifwi; bantu bala cita, pele kutali myuuya. Mwabona? I Muuya Uusalala, Ta ukonzyi kufwa. Wakali aali Jesu, eno Uli mu Mbungano Yakwe; lyoonse uyooba kusikila Aka boole *ku Mbungano Yakwe*, nkaambo Yalo ncibeela Cakwe. Mwabona? Nekubakuti basikupenzya, ba—ba kaba fubaazya kaindi okuya mu buzuba obo, ba cipona okuno asunu. Leza ulagwisya muntu Wakwe pele kutali Muuya Wakwe kuzwa aa nyika. I dyabulosi ulagwisya muntu wakwe pele kutali muuya kuzwa mu nyika.

¹⁴⁹ Abo bapaizi bakazumizya lufu lwa Jesu luzumizya, abo bakati Wa kali “musondi,” na “dyabulosi,” balo balombwana bakali bakombi mbuli bakombi boonse mbo bakali kukonzya. Mbo mbubo. Ba kalizi olo Lugwalo mbo kwa keelede, pele tiiba kazi bupanduluzi bwini kuli Ndulo. Ba kajisi muzeezo wabo beni, alimwi tiiba kaswiilila kuli cimwi cimbi. Elyo mpa wo baka Mu bona a kuziba... Mbobuti mbo bakakakilwa kubona kuti Jesu taka zulizya zintuzyonse onse musinsimi nzya kasoleka kwaamba kujatikizya Nguwe? Pele bakali boofu. Elyo Leza wakati Wa koofwaazya meso abo ku bukanze, kutegwa tube a coolwe ca lufutuko.

¹⁵⁰ Lino Bbaibbele lya kaamba kumbele alubo kuti Uyo... kuti tuli mu Bukkalo obu bwa Pentekoste, bwa “cinswe, busampukide, boofu, elyo tabu cizyi.” Nceeco ciimo ca mbungano, Filadefia. Oh, noba Baptisti, ba Presbyteria, aba Pentekoste batulengwa! Mwabona, mpaawo mpo mubede. Ziindizimwi Nsyu ambi ezyo kuli ndinywe nomukkede awa; Ndili aa teepu, nywebo mwabona, alimwi Ndi lizi nko yuunka. Mwabona? Amweempwe! Amujokele ku Bbaibbele! Amujokele kuli Kristo!

¹⁵¹ Yaa, pele eco nce cakacitika, Makanimabotu Aazwide akagwisigwa. I zitondezyo a zigambyo mu mbungano zyaka zimaana, elyo cindi nkamu ya Muuya Uusalala niyaka tandwa kuzwa akati ka bamwi, mpa wo baakazyza kuti kwakali buzuba bwakali obo. Elyo cakali kuli eco... Elyo bala cita cintu nciconya asunu! Cili mbubonya. Sa tamu konzyi kubona muuya wa ncico? Mbuli Mbwe mwaambila; ku matalikilo, kuti amusame kuyeyya kwanu kwa kumuuya, akulekela Leza ajule moyo wanu. Mutacimwi cakutalulama, amukkale akuswiilila; kwaamba, “Muuya Uusalala, kondi yubunwida. Nda cibona, nceeco we.”

¹⁵² Kusekelela. Kuli? Baptisti, Presbyteria, nobaba iba Pentekoste, kuba biyo kusekelela kwa bukombi. Cintu buyo

ncoba cita nkulizya piyaano, *cintucimwi cimbi*, kosotoka mujula aansi asyoonto; elyo piyaano mboya umunina buyo: *Brrrrr!* Kwiinka kuyo, cenga, kubba, kubeja, zintuzyonse zimbi. Pele wini... Elyo lunyemo lunji lwa kulwana saha linzwiima, kwaambaula zya uli onse a zintuzyonse. Mwabona? Nceeco we. Kutali buyo Methodisti, Baptisti, Presbyteria, Katolika, pele mbungano ya Pentekoste mu Bukkalo bwa Laodikeya awa.

¹⁵³ Oh, nkaambonzi tamu joki kuli ceeco basikale banu ncoba kajisi? Nkaambonzi ta tupiluki ku pentekoste ini eyo iisalazya a kuzuza Muuya Uusalala, eyo ileta Kristo kuli ndiswe? Nce ncico nco tu yandikana. Yaa. Lino, mbubonya asunu!

¹⁵⁴ Lino, bbala *Pergamo* lyaamba “kukwatwa.” I bbala ndilyonya *Pergamo* lyaamba “kukwatwa.” Bunakristo (olo ndubazu lwaba Nikolai, lubazu lwatulengwa) kakwatwa ku cisi, kubelesya kusekelela kwa bupagani. Kusekelela kwa bupagani! Elyo kwakali kuzyalwa kwa mbungano ya Katolika mu buzuba obo.

¹⁵⁵ Lino, kufumbwa muntu ulizi kuti mbungano ya Katolika ya kaletwa kuba ku Nicene Kkanso. Kakutanaba awo, yakali kutegwa “Nikolai” kuli Leza; elyo lyaamba *Niko—Niko*, “ku zunda,” kuzundikizya na kwendelezya basimbungano. Elyo cindi niba kacita ceeco, teeба kali kuyanda Muuya akati ka bantu; a *beembeli*, elyo lyaamba “beembezi,” ku lekela Muuya Uusalala...

¹⁵⁶ Yebo wati, “Baa, sa mupaizi takonzyi kuba mweembezi?” Ino musyobo nzi wa cakulya ngwa kusanina? Sena ujana bulumbu mbubonya mboba kajisi, Buzuba bwa Pentekoste? Nee ncobeni! “Wabonwa Maria,” nguni wakabona eco ku Pentekoste? Novenasi, koonse oku kusansaila, kutila, kubelesya Leza wabutatu (“Taata, Mwana, Muuya Uusalala”), nkokuli nkosola kujana eco ku Pentekoste? Jesu wakati, “Akube kuti ng’anda ya Israyeli izibe cakusinizya, Leza wakabamba oyu nguwenya Jesu, oyo ngo mwa kabambula, kuba kobilo Mwami a Kristo.” Mbo mbubo. Nkokuli nko tu jana zintu ezyo? Nkuba Nikolai ku katalika, a kubumbwa kuba Bunakatolika.

¹⁵⁷ Lino yebo wati, “Ee, Ndili kkomene ncobeni kuti Nseli akati kabo.” Lino toli buyo masimpe loko. Mwabona? Lino amuyeyeye: Bunakristo, Nikolai. Lino sena mwa kamvwisywa kaano? Amuswiilile kabotu katutana kuya ambele. Ndi yanda kuti mu cimvwisyne ikuti na twa kkala awa mane aakatikamasiku. Aboobo, uh-humu... aboobo i... nkaambo, mukwesu, bwalo mbuntu bwako! Yebo inga wati, “Ee, Ndi zulilwa ku...” Eco tacili—eco tacili ncico. Ikuti na tojisi Muuya Uusalala, mukwesu, Ta ndikwe makanii kuvula kwa mambungano nkozulilwa, uli sweekede. Ikuti na tona zyalululwa ku Muuya wa Leza, ku lubbizyo lwa Muuya Uusalala, uli sweekede; nkaambo to jisi

Buumi Butamani, alimwi Buumi Butamani nce cintu luzutu eco Leza ncayo busya, nkaambo Mbo buumi luzutu busyede.

¹⁵⁸ Ikuti na nseke ya bulotwa...mbuli Mbwe balulula awa, Oora lya Bulimi. Mbangaye bamuyeyya Mukwesu Spurgeon mudaala, mukambausi muna Methodisti kutala ku Henryville? Ii mutu ciimo muboto loko wakaindi. Twa kali kkede ku kasensa ka caanda cakriimu kuli ya Red Furnish, buzuba bumwi, katulya aisi kriimu; alimwi twa kali kwaambaula muswaangana ngo Nda kajisi okuya, a Oora lya Bulimi lyakali kucitika. Elyo Red yaka jisi i—mukanazi muniini wakayasya, alimwi wa i... zya kubamba kwakwe kwa redio okuya. Elyo kubusena bumwi bakali kwaambaula...mubwini mulumbe wakali kuzwa ku Louisville. Pele 4-H Club kajisi—kajisi muncini wakali kukonzya kuzungulusya nseke ya mapopwe kuti kabakonzya kubikka kkaushiamu, a mapetroliamu, a zintuzyonse mu mapopwe, akwabamba kulibonya mbubonya mbuli kuti akabambwa kuzwa...

¹⁵⁹ I 4-H yakali ujisi, sayaansi waka cilondola kuti mapopwe alibonya kabotu loko cakuti inga wa teka janza kuzwa mu saka lyakalimwa mu muunda, janza kuzwa mu saka omo muncini mowa zunguluzya, alimwi eci awa (oyo muncina wakazunguluzya) kubapanga musyobo umwi a makkonifleki, cinkwa camapopwe. Alimwi mubwini inga wazitola ku labolatori a kuzipandula, nseke, nkabela inga kuziba imwi kuzwa kuli imbi. Kajisi mweelwe wa petroliamu weelene, nguonya—nguonya mweelwe wa kkaushiamu, a—a mudumo; zintuzyonse zya kanjila mu museke omwe, zyakali muli umbi.

¹⁶⁰ Wa kati, “I nzila iini luzutu ya kuziba ezyo zyakalimwa mu muunda, a yeeyo yaka pangwa ku muncini: nkuzikka yonse misyobo yobilo. Elyo yoonse yakabola, alimwi imwi yaka bambwa a muncini tii yakamena alubo; pele eyo Leza nja kakomezya, yapona alubo.” Nkaambonzi? Nkaambo tiiya kabambwa kumena.

¹⁶¹ Elyo inga waboneka mbuli Munakristo, kulilemeka mbuli Munakristo, a kucita ncito yoonse mbotu eyo njo konzya kucita, a kupona cakusyomeka ku mbungano yako; pele citakuti wakabambwa kumena ku Muuya Uusalala, Buumi bwa Leza, Buumi Butamani kabunjila muli nduwe; kutali ku kulyaambilila, pele ku *cipego* ca Muuya Uusalala. Mbobuti mbo Utambula? I dokotela wakati, aa Buzuba bwa Pentekoste, oyo waka lemba malailile abusilike, “Amweempwe, a kubapatizigwa umwi aumwi wanu mu Zina lya Jesu Kristo, nkabela moyo tambula *cipego* ca Muuya Uusalala.” I *cipego* ca Muuya Uusalala, buli Mbuumi Butamani. Eco nce cintu luzutu Leza ncaya kubusya. Nce cintu luzutu cijisi Buumi Nca konzya kubusya. Mwabona? Eco nce cintu luzutu cikonzya kwinka. Nda syoma eco casalala. Leza aape kuti eco cisalale.

¹⁶² Lino, ba Nikolai mpawo baka jisi lubazu lwa tulengwa, elyo baka kwatana ku mbungano ya bupagani; kuleta zipaililo zya bupagani, kupanga zipaililo zya Bunakristo; bakaleta kaleza ka bupagani, aku kacitya kukanana a kwaambaula, mu ciimo ca bbishopu. Kakkala atala alya, kasamide zikobela a kucibamba kuboneka mbuli kaleza. Nywebo mwabona? Tacili eco cili aanze, nceeco cili mukati. Nseke zyobilo zya mapopwe zyakali kulibonya kweelana; tii cakali ceeco cakali aanze, cakali ceeco cakali mukati. Mwabona, mukati, Buumi. Ee, caka bambwa alya, nkabela abo bwakali busena bwakuzyalilwa kwa mbungano ya Katolika ntaanzi, wakali banyina wa tubungwe toonse twa mbungano.

¹⁶³ Lino yebo wati, “Ee, Ndi... Mukwesu Branham, mpawo kufumbwa kuti ka Ndi tali muna Katolika.”

¹⁶⁴ Lino, asyoonto buyo, atwi imikile awa ku kavwalu buyo, ambali lya nzila. Elyo atu—atu jule ku Ciybunuzyo, cipati 17, anini buyo. Amu jule buyo cigaminina kuli ncico. Lino, eci nciyubunuzyo ca nzi? Jesu Kristo, ku mambungano Aakwe. Mbuli Mbwe bala, amuswilile kabotu:

Elyo mpaawo kwa kaboola umwi wa baangelo bali ciloba oyo waka jisi mitiba iili ciloba, a kwaambaula a ndime, kaamba... Boola okuno; elyo Nda kutondezya... nduwe lubeta lwa sikuvuula mupati oyo ukkede atala lya meenda manji:

¹⁶⁵ Lino, kutegwa Ndi konzye kuba a bumboni, mbangaye bazi kuti *mwanakazi* mu Bbaibbele, ciindi conse cila pegwa mu ciiminizyo, caamba i “mbungano”? Yaa. Mbangaye bazi kuti “sikuvuula mupati,” mpoonya awa mu chipati nciconya, kuli “munzi uukkede atala lya zilundu zili ciloba”? Yaa.

¹⁶⁶ Elyo lino mbangaye bazi kuti Bbaibbele lya kati “maanzi”? Ngooyu waa kakkala aa “meenda manji”; kutali ii *maanzi*, pele “meenda.” Elyo *meenda* aamba “bantu.” Baa, amujane cipati 15, mula konzye kubona awa, mwabona, kampango ka 15, mwabona:

Elyo wa kati kuli ndime, I meenda ayo ngo kabona, awo sikuvuula mpa kkede, balo mbantu,... makamu manji, ... masi, a myaambo. (Mwabona? Mwabona?)

¹⁶⁷ Lino, oyu *mwanakazi* wakali buzangi. Sa takali obo? Lino oku nku yiisy, aboobo mweelede kubikka manjezeezya anu kusule lyanu lino. Mwabona? Ino *mwanakazi* oyo mubyabi ncinzi ncategwa “sikuvuula”? Walo *mwanakazi* oyo utasyomeki ku cikonke cakwe ca lukwatano. Lino mbungano, mbungano ya Katolika, itaminina kuba Nabwiinga a Mukaintu wa Kristo. Nobaba basiite bala gela masusu abo, nkabela taba jisi kuyandisya, “kuyandisya kwabo koonse kuli Kristo.” Sa mbo mbubo? Masimpe. Na kufumbwa muntu...

¹⁶⁸ Ndi zwa ku ntalisyo ya Katolika, mwabona. Ndi jisi twabo *Tusimpe Twa Lusyomo Lwesu*, a mabbuku abo; aba Protestantti banu, aba Baptisti, akufumbwa ncomu syoma; mwaali mubusena bwangu bwakubalila. Aboobo, Nda abala kuti na umwi waamba cimwi. “Hanewo!” Nda konzya kukujosya nkoonya ku kwaamba kwako. Mwabona? Aboobo, oora lyasika kuli Ceeci kuzwa.

¹⁶⁹ Lino, cintu citaanzi, Leza wakacita kweenda koonse ku cisi, kutondezya zitondezyo, zigambyo, a maleele, kuti bantu kaba ziba. Mbelele zya Leza zilizi Jwi Lyakwe, zi lizi, zi lizi ncobeni. We elede kujana lutaanzi... Ula unka kumasena kakutakwe kuzibwa, mpawo ula buyo... Ncinzi nco cita? Ula banyonganya kwinda lyonse. Ci leke... kolekela Leza amamele ceeco. Wabona?

¹⁷⁰ “Njo kutondezya lubeta lwa sikuvuula mupati.” Lino, ikuti na waa kali boobo, mpawo waa kali mwanakazi kalibanda kuba cintucimwi eco... Waa kali kucita mamambi! Sa mbo mbubo? Ee, mpawo, ikuti na yakali mbungano, yakali kucita mamambi kuli Leza. Sa mbo mbubo? Mpawo mamambi, inga bwaba bwaamu, bwaamu *bwakumuuya*: uyiisya cintucimwi ku bantu eco citali Ijwi lya Leza. Sa mbo mbubo? Walo uyiisya cintucimwi citali bwini. Abo mba Nikolai. Mwa cibona kaciboola okuno? Kuunka kujatikizya kubikka bamapoopu, a bapaizi, a kugusya Muuya Uusalala, “Mazuba aa maleele akainda”; kakuli Bbaibbele lya kati, “Jesu Kristo ngu mbobuca nguwenya amuya myaaka.” I Bbaibbele lyakati, “Amusanduke, a kubapatizingwa umwi aumwi wanu mu Zina lya Jesu Kristo kuti mujatilwe zibi zyanu”; waa mba, “Taata, Mwana, a Muuya Uusalala,” kusansaila, kutila koonse. Oh, ma! Mwabona?

¹⁷¹ Yaa, amulangilile eco mwanakazi oyu ncakali kucita:

...walo bami ba nyika bacita bwaamu anguwe, a
bantu ba... nyika bakolwa waini wa bwaamu bwakwe.

¹⁷² “Kakoledwe!” Ku kujaya, ku kucitya kufwa, ku kudubula, ba kufumwa cimbi, mukwesu. Bali koledwe ncobeni aa zintu ezyo. Mwabona?

¹⁷³ “I waini.” Ngo nguwe ngwa vozya, mwabona, waini wakwe wa bwaamu bwakwe. “Andi mwaambile cintucimwi! Baama bakali ba Katolika, nkabela Njo...” Yaa.

¹⁷⁴ Lino nywebo mwati, “Eco cilayoosya.” Lino amulindile buyo aniini, noba Protestantti. Huh! (Ndi kanana kuli aba bali ku mateepu, mwabona.)

Aboobo wa kandi tola mu muuya mu nkanda: elyo Nda kabona—Nda kabona mwanakazi kakkede aa munyama uusalalapyu,...

¹⁷⁵ Lino ino bbala *uusalalapyu* lizibya nzi? Li zibya “sibwami.” Lyamba...Nda amba, amba, “wabwami, wabwami, wabwami,” mwabona, mbuli bami abamwi.

... *kazwide mazina a kusanka, kuba a mitwe ili ciloba a meja ali kkumi.*

¹⁷⁶ Lino, *mitwe ili ciloba* “malundu ali ciloba” awo munzi mpoukkede. Elyo oyu mwanakazi muunzi, tu lizi.

Elyo mwanakazi wakasamide zyadowalowa...

¹⁷⁷ “I mwanakazi.” I cinyama cakali *kusalalapyu*, pele mwanakazi wakasakatidwe muli *pepo*. Lino, sa Nse mucenjezya buzuba bumwi, kuli minyinza yotatwe? Ta ndizi na nciindi cilamfu Nceyo pona, pele amuyeeye eci. Mbuli Mbwe kamwaambila myaka minji yakainda, “amulangilile Russia.” Kuli minyinza yotatwe,amu ciyeye eci. Kuli munyinza wa *butale*. Kuli munyinza wa *mabu* mapati (China Isubila *aimwi imbi*). Alimwi kuli munyinza wapepo, amu langilile *oyo* munyinza, walo *ngu* sikweena. Kanji cakuti . . .

... *i mwanakazi wakasamide zyadowalowa...*
kasakatide zisalalapyu mibala,... kasakatide ngolide... mabwe mayandisi a ngale, (Mula ndiyeyea nkekana kaindi awa cipaililo citaanzi mbo cakabede ca Nikolai? Mwabona? *Mwanakazi* mukuba “mbungano.”) *kajisi nkomeki ya ngolide mu janza lyakwe* (Mula yeeya na? I ngolide kaiyalidwe atala lya cipaililo, nkomeki nya kali kupa bantu.) *kiizwide i cisesemyo ca busofwi bwa bwaamu bwakwe:*

¹⁷⁸ Eco ncencico nca pa bantu; bakali ku cizumina. Masimpe. Kakoledwe kuli ncico! Kakoledwe buyo! Nkamu eyo yoonse yaba Irish, aya bana Frenchi, a zimwi zimbi, bayo kutenda kameneno ikuti na waamba cintu cimwi cilwana eyo mbungano. Masimpe, inga bacita. Mwabona?

*Elyo aa nkumu yakwe kwakali zina lilembedwe,
MAKANI AASISIDWE, BABULONI...*

¹⁷⁹ Lino, nkokuli Babuloni nkoya kazwida? Kuzwa ku Babuloni kutala mu Pergamo, a kuba...Saatani kalonzya cuuno cakwe. Oh, Ni twa konzya kwiinda mu Ciybunuzyo conse, kutegwa kamu konzya kucibona.

... *BABULONI MUPATI, BANYINA WA
BASIBWAAMU... BANYINA WA BASIBWAAMU A
ZISESEMYO ZYA NYIKA.*

¹⁸⁰ Ino wakali nzi? Ii banyina wa basibwaamu. Balo tiiba kali bana basankwa. Sa bakali obo?

¹⁸¹ [Kabeela katakwecintu aa teepu—Mul.]...mbungano yabo. Iiyi, munene. Kati, “Sa mbungano tayitwi, mu Bbaibbele, ‘Babuloni?’” Mwabona, mu bbuku lyabo. Yaa.

¹⁸² Lino, ikuti na waa kali sibwaamu, sikuvuula, alimwi waa kali banyina wa basibwaamu, waa keelede kuba a bana basimbi. Elyo ikuti na bakali bana basimbi, bakali basimbi, bakali mambungano. Lino nkokuli mbungano ya Protestant ni koya kazwida? Sa mbo mbubo? Ino ndwandaano nzi akati ka ii—ii muvuule a sibwaamu? Ncintu nciconya.

¹⁸³ Martin Luther wakayutuka, kuti azwe, kupa Mbunagno ya kasimpe ciindi; Wesley; kuya mu Pentekoste; alimwi aumwi wabo waka joka nkonya ku muzeezo oyo waba Nikolayi wa kubunganya, a balinguzi bakoonse, azintuzyonse zimbi, a kujoka nkoonya ku lubbizo ndulonya ndobaka bbizigwa alo, ciimo nciconya, kusekelela nkukonya, akwalo bunji bwabo a tutikizimu a kuti ‘*wabonwa Mariya*.’ Kutali kuti *Mwabonwa ba Mariya*, pele... Ino ncinzi eci citandila kuba cintu nciconya? Obo *Buzumini Bwabukombi Bwa Baapostolo*. Nditondeye Buzumini bwabukombi ibwa Baapostolo mu Bbaibbele, mukwesu. Ikuti—ikuti na baka jisi buzumini bwabukombi, ni Incito 2:38, obo mbo bakalailila bantubonse kucita. Nkokuli nko kasola kumywa muapostolo kubamba buzumini bwabukombi, kwaamba kuti, “Ndila syoma mu Mbungano Iisalala ya Katolika iya Roma. Ndila syoma mu mulalilo wa basalali”?

¹⁸⁴ Cindi i... Petro, oyo waka jisi zijaluzyo, kati, “Taakwe sikiwiiminina umbi akati ka Leza a bantu, pele Kristo Jesu.”

¹⁸⁵ Pele amulange mambungano aba Protestant. Ino bakacita nzi? Tiiba kakonzya kukkutila. Umwi aumwi wabo wakazwa, wakazwa a Cilongezyo ca Pentekoste. Mbo mbubo ncobeni. Awalo Martin Luther wa kaamba mu myaambo. Mbo mbubo ncobeni. Wakali tantamuna lwakwe, kati, “Leza, aya mabala mabi Nge mamauka, nkabela Nse zyi Nce kanana.” Mwabona? Masimpe, wa kasyoma muli Ncico. Masimpe, wa kacita.

¹⁸⁶ Lino, muciindi ca bukkalo ba kajisi—kajisi Muuya, pele lyoonse bala somoka a kupanga tubunga kwamana kuunka basikutalisya bataanzi. Ikuti ni mwakailekela mbunagno ya Lutherani kuzumanana, kutali kwiibunganya, niya kaba ya Pentekoste. Ino Mbungano ya pentekoste ninzi? Nda amba pentekoste iini. Kutali kabungwe, lino, kali buyo mbuli “mupika a nketulo” alubo. Mwabona? Pele bakacita cintu nciconya, alimwi eco caka babikka kujoka kubana Nikolayi mbuli mbo bakabede ku matalikilo. Mbangaye babona ceeco? amwaambe “Ameni.” [Mbunga yaamba, “Ameni!”—Mul.] Mbo mbubo. Lino, kutegwa buyo Ndi be amajwi anu kuti muli...

¹⁸⁷ Mwabona, banyina ba “basibwaamu.” Ikuti na mbasibwaamu, mbobuti mbo bakaba basibwaamu? Kwiinda ku kucita bwaamu kulwana Ijwi lya Leza. Ikuti na Ijwi lya Leza lyakati, “Amweempwe a kubbizigwa mu Zina lya Jesu Kristo,” a muntu aumwi omuya waka bbizigwa mu Zina lya Jesu, elyo mpawo wabweza “Taata, Mwana, a Muuya Uusalala.”

Obo mbwaamu! Sa mbo mbubo? Alimwi ikuti na Bbaibbele ndya kubbizya ku kunyikizya (*baptizo*, kuzwa ku bbala lya Cigriki), mpawo mbobuti mbo jana kusansaila a kutila? Nkokuli ezyo nko zinjilila? Ikuti na wasintanya kusukana maanza, na kulya ka kaofa ku milomo yako a ku kamena, na cintucimwi cimbi mbuli ceeco, kuba Muuya Uusalala, alimwi Muuya Uusalala wakazwa ku Julu mbuli guwo lyuungisya lyanguzu a kuzuza bantu, a kubabamba kwaamba mu myaambo, a koongolola, a kulilemeka mbuli muntu mukolwi, nkabela wasintanya kusukana maanza, na kubikka lugwalo lwako mu mbungano na cintucimwi mbuli ceeco, mbobuti mboya kuzwa munzila ya kucita bwaamu bwa kumuuya?

¹⁸⁸ Lino, kolibusya buyo lwako kuti. Amuzungaanye mizeezya yanu, amujule myoyo yanu a kuba basyomeka, bakwesu. Tuli kumamanino a lweendo. Eyi miswaangano tai bambidwe ano mubuyo, yaka laililwa aa Leza. Nda cisyoma buyo masimpe mbuli Mbwe...mula ndisyoma kuba mulanda Wakwe. Nda caamba mu Zina lya Jesu, kuti Leza wakabikka aa moyo wangu kuboola okuno. Ta ndijani a kkobili lyomwe lya kucita. Nda—Nda—Nda—Nda konzya kuba kokuno nke kombela balwazi kubusena bumwi, na cintucimwi mbuli ceeco. Na Nda konzya kuba kulaale nkezelu nswi, akujana mali mbubonya, Nda tambula kuvola kuzwa ku mbungano. Pele Leza waka Li bikka aa moyo wangu; Nse kakonzya kuzwa kuli Ndilyo, kazumanana buyo kulilila ndime ali Ndilyo, alimwi Ndi cita koonse Nkwe konzya. Ndili omuno mu Zina lya Mwami, kucita zintuzyonse Nze zyi kucita. Uta Ci lekeli ku kwiindilila.

¹⁸⁹ Lino, Protestant, sa mwabona eco Nce pandulula kwiinda ku mbungano ya Katolika a Protestant? Buyo...Umwu uli mbubonya buyo mbuli umbi. Mbo mbubo ncobeni.

¹⁹⁰ Lino, lyaamba kukwatwa, *Pergamo* lyaamba “kukwatwa.”

¹⁹¹ Lino atu bweze... Wa kati, “Yebo uli bajisi aakati kako abo bajisi njiisyoy ya Balamu.” Atu bweze buyo eco.

¹⁹² Sa tuli jisi ciindi? Ndiyo bindaana buyo cakufwambaana mbuli Mbwe konzya. Na inga mwasala kulindila buyo a kubona na inga twa joka kuseeni? Mbangaye basala kuzumanana, kwa kaindi kambi kaniini? Atu...Yaa, eno Ndi—Ndi lizi kulapya omuno. Elyo ikuti na uli kkede zii a kupya, ino ueyeya nzi atala awa? Nywebo mwabona? Pele, oh, ma, tu sola kuzwa ku busena obo bupya. Mwabona, obo—obo mbo cibede, nkambo, tuli Batamani.

¹⁹³ Lino, lino mubwini cindi niba kayaka mbungano mbuli boobo, ncinzi cakacitika? Lino amuswiilile kabotu, bana bangu. Ncinzi cakacitika? Baa, mubwini, eco caka gwisya Muuya Uusalala ncobeni kuzwa mu mbungano. Ta cigambyi kuti kwiina bama bbishopu babo bakabusya bafu na kucita maleele. Elyo

balo kabaambaula zya basalali aba bamwi mu mbungano yabo!
Ba kazya cintu, pele bala bataminina!

¹⁹⁴ Amulange Joan wa Arc, oyo musimbi mukubusyi. Nda mubuzya nywebo nobantu ba Katolika, na nywebo noba Protestant, kufumbwa wanu. Joan wa Arc, mu buzuba bwakwe, kwakanyina cintu mu France okuya, pele mbungano ya Katolika ya kaumuzya basalali. Pele Leza wakazumanana aa musimbi oyo nkabela waa kajisi Muuya Uusalala. Elyo ncinzi nca kacita? Waa kali kukonzya kwaamba zintu zyakumbele, Mwami wakali kunga wapa zilengaano zyakwe a kucisinsima. Waa kakombela balwazi. Waa kakombela muvwanda muniini wakafwide, nkabela waka jokela ku buumi. Eyo ngu pentekoste. Mwabona? Elyo mbungano ya Katolika yaka mucitila nzi nkaambo waa kakazya mbungano ya Katolika? Ba kamwiita ku kubetekwa, a kumuumpa ku cijailo mbuli “mulozi.”

¹⁹⁵ Elyo lino mwati, “*Musalali Joan wa Arc.*” Myaka ili myaanda yobile niyakamana, kutandila, cindi mbungano niya kajana eco ncoba kacita, kuti waa kali Musalali, oh, mubwini, ba keempwa nkambo ka ncico; baka vumbulula mibili ya bapaizi abo bakazumina ku kufwa kwakwe, akuba waalila mu mulonga. Muyeyea kuti bayo sola kusanzya bulowa kuzwa ku maanza abo? I Bbaibbele lyakati, “I—i bulowa bwa basikujailwa buzumini boonse bwaka janwa muli nguwe.” Nce ncico eco Angelo wa Mwami nca kaamba caka janwa mu Babuloni, “Onse mujayi, na sikufwida buzumini, a basalala boonse iba Kristo abo kasola kujailwa buzumini, baka janzwa omuno kuzwa ku Bukkalo bwaba Nikolai kwinda monse, onse sikufwida buzumini.” Amu ciyeeye eco. (Nda lumba, Mukwesu Ben.) Lino, amu ciyeeye eco.

¹⁹⁶ Lino, ambele buyo aniini lino. I mbungano ya Banakristo ya kakwatwa ku i—ku i...ku Babuloni. *Pergamo* caamba “mucado.”

¹⁹⁷ Lino, “Injiisyo ya Balamu. Muli bajisi aakati kanu abo bajisi njiisyo ya Balamu.”

¹⁹⁸ Oh, Nda ziyanda buya zintu ezi. Oh, ikuti na mwakonzya buyo kukkala kwa ciindi cilamfu cimwi aali comwe, mwabona, pele nywebo buyo... Tu yanda kumulekela ku cibona elyo mpawo kuzumanana kuya ku cintucimwi cimbi, nkaambo ci zwide buyo—buyo tubalululo tuyandisi. Ndime sikuvvrentauzya; Nda yandisya kuyaansi a kusya otu tubalululo tuyandisi a kumunika ali ntuto, a kutulondola mbuli boobu, a ku tulanga. Elyo kamwi akamwi kato kayo tondezya Jesu Kristo! Kamwi akamwi kato, mwabona. Kamwi akamwi kato katondezya Jesu Kristo. Ngu Alufa a Omega, yonse—yonse Karati ya ngolide mu kayandisi. Kuli luleme. Ngu kabeela koonse ka Neico. Ako nke kaambo, Walo Mbuleza bwa kabambwa mu mubili akati kesu.

¹⁹⁹ Lino, kutegwa kujanwe... Nse—Nse kotola ciindi kuli ceeći, nkaambo Ndi jisi... Nda bona kuti ngu naini. Elyo Ndi—Ndi

jisi cintu cimbi Nce yanda kunjila sunumasiku, ikuti na Leza wayanda. Elyo Ndi yanda kuti mu cilembe eci nkabela moyo cibala juunza, elyo amu lembe Myeelwe 22 kusikaku 25. Ndi yanda kuti mubale oyo lino, alimwi inga mwatobela kusule lyangu. Elyo lino—elyo lino Myeelwe 22 kusikaku 25.

²⁰⁰ Tu lizi kuti ba Israyeli—Israyeli bakali bantu basale iba Leza. Sa mbo mbubo? Ba kali i... Ba kali ba Pentekoste. Ba kajisi Muuya akati kaboo. Mula yeeya mulumbe wa busiku bwainda? Obo Musa cindi naka landuka Lwizi Lusalala, na Lwizi Lufwide, a kulijana kunze lyakwe mu Lwizi Lusalala, lwa bulowa, kwiiminina bulowa... bonse basikubelesya bakali kumuma lyonse a bonse bana ba Israyeli. Musa waka nyamuna janza lyakwe a kwiimba mu Muuya. Oh, umwi aumwi wesu inga waba Musa cindi twa kulanga musule mu Bulowa busubila ibwa Mwami Jesu a kubona onse mukolwi mudaala, lyonse bbotulo lyakaindi, onse mwanakazi wakaindi sicsapi, conse cintu cakaindi catombe neco twa kacita lyonse mu maumi esu, boonse bafwide mu Bulowa bwa Mwami Jesu. Kotubamba kwiimba mu Muuya! Misanga ya tombwe, matombwe, a zilengwa zibi, a zintu zyoonse zimbi, kazifwide, mu Bulowa bwa Mwami Jesu; mpawo inga twa nyamuna maanza esu a kwiimba mu Muuya. Mwabona?

²⁰¹ Amulange eco Miriamu nca kacita, musinsimi mwanakazi. Lino, amuyeeye, waa kali musinsimi mwanakazi. Waa kabweza nsaka a kutilika kuuma nsaka a kuzyana mu Muuya, a bana basimbi ba Israyeli baka mutobela kунselelo lya nkomwe, kabauma nsaka ezi, a kuzyana mu Muuya. Pentekoste ini!

²⁰² Elyo mpawo ikuti na mwalangisya cindi niba kasika kuli Moabu. Lino tu jokela... Tuli aa Lugwalo, lino, "njiisyø ya Balamu." Elyo Moabu, Moabu wakali munyina wa Israyeli. Mbangaye bazi oko Moabu nkwa kazwida? Yaa. Moabu ngooyo Ngwe konzya kwiita kuti wakatintanisiga, nkaambo kakuti Moabu yaka talikila kuzwa ku bana basimbi ba Lota. Lota waka jisi muvwanda kwinda ku mwana wakwe musimbi, waka jisi bana bobile. Elyo Moabu wakali umwi wabo, alimwi wa kapanga cisi ca Moabu, mukowa. Elyo, mubwini, Lota wakali mujwa kuli Abrahamu, oyo mubwini waka jokela mu nzila eyo njionya. Tu lizi obo. Lino Ndi yanda kuti mubone kuti teeба kali bapagani, mbuli kumwi kwa misobano yesu calino mbo banga bamupa... Amuyeeye, bakali basyomi. Lino, cindi Israyeli niya kasika mu lweendo lwabo kuya ku nyika ya cisyomezyo, kabaya bulibambilila nzila moonya mu bulizi bwa ncito, elyo mpaawa kwakali Moabu moonya munzila. Ba katuma batumwa kuli Moabu, a kuti, "Atwiinde mu cisi cako. Tuli bananyina."

²⁰³ Lino, Moabu yakaiminina ba Nikolai. Lino nywebo mulabona mu kaindi buyo kaniini. Israyeli yakaiminina Mbungano ya bwini. Elyo Balamu wakali umwi wa bamabishopu, bamapoopo. Amulangilile a kubona eno; Bunakristo bwakunyama. Lino tula bona kuti wa kapedwe

cipego, kwiina kuzumbauzya kujatikizya ncico. Bunji bwabo mbakanazi babotu, bamaiyi ba zyabulenge, a—a bantu balemu. Tamu konzyi kukaka ceeco. Pele, “Bala ciwa ca bukombi, pele balakazya Nguzu zya mbubo.”

²⁰⁴ Mujoke ku Pentekoste eyo ntaanzi! Muta zwi awo. Ikuti na cindi mwacita eco, muli sweekede. Amukkale a cilongezyo eco. Nce Ncico, Sikulongezya wa zilongezyo.

²⁰⁵ Lino, amubone mbuli mbo bakeenda. Ba kaboola ku mbungano eyi yakatintanisigwa yatuulengwa, elyo ba kati, “Twi inda buyo kuya ku lubukulusyo. Tuya mutala ku nyika ya cisyomezyo. Sa inga watu zumizya kwiinda? Ikuti na ng’ombe zyesu zyalya bwizu buli boonse, ikuti na zyanywa maanzi ali oonse, tuyo kubbadela kuli ceeco.”

²⁰⁶ Mpawo ncinzi caka....? I Mwaami Balaki, wa kalibili ka konse, elyo ta kali kuyanda muswaangano uli booboo mbuli oyo mu mbungano yakwe na nyika yakwe. Aboobo ncinzi nca kacita? Wa katuma kuli poopu, na kuli bbishopu, Balamu, musinsimi wakubbadela, umwi oyo wakali kuyanda mali kwiinda mbwakali kuyanda Leza. Elyo Mwaami Balaki waka mwaambila, “Ikuti na uyo boola awa a kusinganya bantu aba, Njo kubamba kuba muntu mulemu.” Elyo Leza waka kanana kuli Balaki. Elyo Nda libuzya ikuti na inga kwacitika kuba boobu-...Nda amba Balamu. Ndalibuzya na bali bongaye ba Balamu bali mu nyika eyi sunumasiku? Bakambausi ba Methodisti, bakambausi ba Baptisti, bapaizi ba Katolika, (Luse!) abo bazi kuti Leza....ikuti na mwabala makani aya ngaonya aakale a Bbuku ndilyonya Nde cita. “Balamu!”

²⁰⁷ Lino, amubone. Mpawo wa kati, “Koboola kunselelo a kuyo singanya bantu.”

Elyo Balamu wakati, “Ndila buzya Leza.”

Leza wakati, “Uta unki!”

²⁰⁸ Pele cifumo cakacilila, wa kaamba...wa kainka a kwaambila mupaizi, na i—i mwaami.

Elyo wa kapiluka, wakati, “Oh, Ndiyo—Ndiyo kubamba kuba muntu mulemu.”

Aboobo Balamu waka zumanana; Leza wakati, “Ko zumanana nkokuti, ko zumanana.”

²⁰⁹ Mwabona, ikuti na tamu katobeli Bwini... Nywebo tuyeyya kuti, ba Nikolai, kuti nkaambo Leza ucitila nduwe eco nco cita mbuli eco...Mboobo Bwini butaanzi! Yebo ubweza buyo luyando lwa Leza lwakuzumizigwa. Yebo wati, “Leza ulatupa Muuya Uusalala,” na “Ula tulongezya, alimwi twa kabapatizingwa mu zina lya ‘Taata, Mwana, a Muuya Uusalala.’” Yebo omuna Balamu! Wabona, njiisyio ya Balamu. Leza waka mwaambila, nakamana kuba sikamikami, Wa kamulekela buyo kuzumanana, wakalizamba lwakwe mwini. We elede kupilukila

ku Bwini, Bwini bwa mbaakani. Kujokela ku Bbaibbele. “Oh, ee, Wa ka tulongezya! Elyo jo...” Oh, Ndi lizi obo. Wa kacita, kaambila Balamu, kati, “Ko zumanana. Ikuti na uyanda kuunka, ikuti na eco... Uli sinikizidwe kuunka nzila eyo, nkabela uyanda nzila ya kabunga; koitola, ko zumanana.”

²¹⁰ Mpawo Balamu wakatalika, akusotokela a kambongolo kakwe, na kutali kambongolo kwakwe, kadonko kakwe, kuselemukila okuya wa kaunka. Elyo cintu citaanzi, nywebo mulizi, Angelo wa Mwami wakaima mu nzila. Elyo, nywebo mulizi, oyo musinsimi, oyo poopu, bbishopu, kkardinolo, kufumbwa mbwa kabede, wakali ofweede loko ku zintu zya kumuuya, kayeeya kuti wakali kusumpulwa kucuuno, nkaambo wa kali kukkala ku Mulonga wa Eufreti. Ndi yeeyela kuti wa kayeeya kuti lwakali lukono lumwi, mbuli “Atala aa mwaala oyu Mpe nzoyakila Mbungano Yangu,’ Petro,’ na aa mwaala umwi oyo wakali mu Rome, na cintucimwi. Pele cindi na kasika ku busena, mpaawo kwakaimvwi Angelo kasomwede cceba, nkabela wa kaliofweede kapati cakuti taka konzya kumubona. Elyo kambongola ka kasyanikizya cituta cakwe ku bwaanda. Elyo mpawo wa kazumanana kweenda, alimwi i—i Angelo wakaimkila munzila alubo. Leza uyo nsinka mulyango onse! Elyo aka kambongolo kakanyona nekuba. Elyo wakasotokela ansi, akubweza musako wakwe akutalika ku kaumya nguwo. Aka kadonki kaniini, kakalede alya, kakaumwa ku mutwe.

²¹¹ Elyo Mebo, masimpe ncinzi caka mucinca, ncinzi caka mulekela kuba a muzeezo, na ku mwaambil awo mpa kalubide, Wa kalekela kambongolo ako kukanana mu myaambo. Kutali kambongolo, kakali kadonki! Mutaambi kuti kakali “kambongolo;” na taka kajana, kakali tintanisidwe. Nywebo mwabona? Wa kali lunyungu lwini lutaanzi.

²¹² Moabu wakali, “Zitondezyo zyakainda, zintu zyoonse zyakamana.” Israyeli yaka jisi zitondezyo kazitobela.

²¹³ Pele kadonki aka kaniini kaka cebuka a kwaamba, “Sa tii Nda kali kadonki kako? Sa Nda kasola...” Elyo oyo—oyo bbishopu waka kofweede kakkede atala awo, ka cuuma kambongolo ako; elyo kambongolo kakaambaula kuli nguwe, mu myaambo iitazizilwe ku kambongolo.

Elyo wa kati, “Iiyi, uli—uli kadonki kangu.”

“Elyo sena Nse—kuba Nse ka kubweza, na sena Nda kasola kukutyompya?”

“Peepe, tona cita. Pele ikuti Ne jisi cceba, ni Nda kujaya, ni Nda lesya muswaangano oyu. Ndili mu lweendo lwangu kuselemukila okuya kuyolesya nkamu eyo ya babumbulusi basalala kuzwa kuboola mu cisi eci. Inga—Inga ndacibikka ali nduwe.” Mwabona?

²¹⁴ Elyo cintu citaanzi mulizi, wa kacitika kulanga koonse, wa kayeeya, “Ee, eci nceenzu. Nda konzya kumvwa kambongolo ako ka baambaula.”

²¹⁵ Oh, Balamu! Hmm! Mwabona, Leza lyoonse waka kanana mu myaambo iitazizilwe ku bantu. Wa kacita mu mazuba aa... Nywebo mwati, “Eco cakali buyo aa Pentekoste.” Oh, peepe. Peepe, peepe. Ku pobwe lya Belsazara Wa kaambaula mu myaambo, waka Li lemba aa bulambo. Ba kajisi muntu okuya waka jisi cipego ca kupandulula, abooba wa kacipandulula kuli mbabo, kabaambila mbo cakabede. Cintu nciconya asunu.

²¹⁶ Aboobo, mukuba kuti kwakanyina sikupandulula kuli Ndilyo, Leza wakalekela buyo Balamu oyu mudaala kusinsimuka (kkardinolo oyu) a kutweluka obo Mbo cakabede. Alimwi sena mwakalizi kuti oyo mulombwana moofu wakazumanan buyo ncobeni nekuba? Masimpe. Eyo nje nzila njoba cicita asunu, cintu nciconya; ba Moabu, ba Nikolai, kaba zumanana ncobeni. Elyo baka zumanana ncobeni kuya okuya, elyo wa kainka... Lino amulange, ikuti na Leza wakali kulemeka ciimo cambaakan, Wa kali sinikizidwe kuleleka Moabu; nkaambo, amubone, Balamu wakayaka zipaililo zili ciloba. Obo mbombubo.

²¹⁷ I mweelwe wa ciloba: makkalo aa mbungano zili ciloba. Mwabona obo mbo kubikkwa kwa kumuuya? Lino, amu jatilile eco eno: kubikkwa kwa kumuuya. Ndila sika kuli ncico mu kaindi kaniini, mu busena buyumu. Mwabona, kubikkwa kwa kumuuya. Zipaililo zili ciloba, basune bali ciloba (banyama basalala), a bagutu bambele bali ciloba; kukanana zya kuboola kwa Kristo, myaanda ya myaka Ka tana boola.

²¹⁸ Pele, ba kasyoma. Ino ba kasyoma nzi? Ba kali kusyoma muli Jehova Leza. Neinzi cimbi ncoba kali kusyoma? Ba kali kusyoma kuti cituuzyo cisalala ca keelede ku tuulwa. Mbo mbubo. Elyo baka taminina kuti bakasyoma kuti Mesiya wakali kuboola, nkaambo ba katuula i—i mweenze wambelele, oyo wakali mugutu wa mbelele. Mbo mbubo na?

²¹⁹ Lino, amu ciswaanganye buyo awa Baptisti ciindi comwe; amubone ikuti na taba citi cintu nciconya. Mbo mbubo ncobeni.

²²⁰ Ee, lino ino ndwandaano nzi? Njeeyi Israyeli kaili kumusanza kunsi lya cilundu, kaituula zipaizyo nzyoonya nzoba katuula awa, kukomba kuli Leza nguonya. Sa tamu konzyi kubona ba Nikolai? I bakatintanisigwa! Mwa cibona? Sa tamu boni ca kumuuya cini? Lwakali lwandaano nzi lwabo? Umwi wabo waka jisi zitondezyo kazitobela! Umwi umbi waka jisi *ciimo*, umwi umbi waka jisi *zitondezyo kazitobela*.

²²¹ Eco nce cintu nciconya cakacitika awa, ku Kkanso yaku Nicene; ba Nikolai, Bunakristo bwatulengwa. Elyo Muuya Uusalala wajoka a kwaamba, “Muli jisi njiisyu ya Balamu aakati kanu.” Mwabona? “Elyo nywebo... Nda sulaika micito yaba

Nikolayi, njiisyo nzo bajisi, nkaambo ni njiisyo ya Balamu eyo nja kayiisa bana ba Israyeli kuli fumpula.” Mbobuti mbwa kacicita?

²²² Mpawo cindi na kazwa kuyo singanya bantu abo, Leza wakati, “Njo anga mulaka wako; to konzyi kwaamba cita Nda kwaambila. To konzyi kusinganya eco Nce kalongezya.” Aboobo wa kalanga ansi okuya.

²²³ Elyo amulange oyu sikuupaupa! Oh, inga twa tobezya buyo kuli ncico, mwabona. Amulange oyu Mwaami mudaala Balaki, i—i—i mutwe wa coonse, wakaambila oyu awa musinsimi mubeji, kati, “Koya kунselelo okuya a kulanga buyo bubi bwabo.”

²²⁴ Eyo nje nzila i—i mambungano mapati mbwa yanda kwaamba ku bantu ba Leza bali mibusyoonto. “Nywebo mulizi cintu na? Nda kalizi umwi wabo. Mulombe! Nywebo mulizi na nca kacita? Wa—wa kacita *ceeci*, alimwi wa kacita *ceeco*. Balo mba Pentekoste. Masimpe.” Oh, pele noka kabuziba buyo bwini bujatikizya *mbabo*, pele mapepa a zintu ziyo umuzya ezyo. Pele lekela muna Pentekoste muniiini akulubizya ciindicimwi, a kulangilila obo cisi coonse kacipanga coongo cibyaabi. Masimpe. Iiyi, munene.

²²⁵ Pele, lino amubone, wa kati, “Kolanga buyo cibeela ca kusule, kusule, cibeela cibbi loko ca ncico.” Balamu wakati, “Inzya, Ndiyo langa buyo cibeela ca kusule, eco cibeela cibyaabi ncoba cita. Eco Nce ntakacite, Njo langa buyo ku lunyemo lwabo—lwabo lubi, kubija kwabo.” Nkaambo ikuti na wakali kulanga ku kubiji, nkoba tali obo. Mbu mbubo. Ba kacita cibo conse camu kkalenda. Pele eco nca kakakilwa kubona, wa kakakilwa kubona Mwaala oyo wakaumwa, eyo Nzoka ya Mukuba, olo lutangalo lwa Mwaami akati kabo, kuponesegwa, zitondezyo, zigambyo, a oyo Musumpululu wa Mulilo kaulengelela atala lyabo.

²²⁶ Oyo musinsimi wakofwaazigwa tako Ubona. Peepe, munene. Pele wa kali kutondezya cibeela catombe ca mbabo, “Ee, Ndi lizi kuti umwi oyo wakacija a mukaintu wa mwaalumi umbi. Ndi—Ndi lizi eci, wa kabba malii.” Mbo mbubo. Mbo mbubo. Ndila zumina eco; pele ba kajana cintu nciconya okuya, pele tiiba kaamba cintu kujatikizya ncico. Mwabona? Aboobo utondezya buyo cibeela cibyaabi loko.

²²⁷ Pele Wa kati, Leza wakati, “Yebo koamba buyo eco nce Nda amba.” Elyo Balamu waka njila mu Muuya, wakawida mu kunyangwa mayu; elyo mubusena bwa kusinganya Israyeli, wa kailongezya. Amen! Ngoooyi mbwa kabede.

²²⁸ Lino, ikuti Leza waliya nkoto . . . na kulemeka zya mbaakani, ezi zikolo zipati, a maseminari a makkolegi mapati, a ma Ph.D. a ma D.L.D. a, oh, yoonse misyobo ya ma D.D. ya . . . Ee, ino kuti Na kajisi bulemu kuli ceeco, ee, mpawo, inga wa . . . Inga naka balemeka. Mwabona? Pele Wa kalemeka alimwi waka lelekede

kale bantu aba a cilongezyo, nkaambo Muuya, Mwaami... Ba kati, "Kwakali koongolola kwa Mwaami mu cilabba." Inzi? Inzi? "I Mwaami wa basalali." Kukwiila a lutangalo! Ino nkwanzi? Bwami bumbi.

²²⁹ Ndila mutondezya kuti tee bakali basitubungwe. Sena muyanda kuti ndicite ceeco? Ndi yeeya kuti Nda lemba Lugwalo awa kuli ceeco. Iiyi, munene. Andi mutondezye kuti Israyeli tii yakali... Atu jule ku Myeelwe, kutegwa buyo mubone kuti tiiba kali obo. Ba... Lino, Moabu wakali kabungwe kapati. Tula jana Myeelwe 23:9, Ndila jana i—i kampango 8 a nkako:

Elyo... *Mbobuti Mbweyo—Mbobuti Mbweyo singanya*, (kaamba Balamu), *balo Leza mbata kasinganya?* na *mbobuti Mbweyo sampaula, oyo MWAMI mba tasampaula?* (Uh huh.)

²³⁰ Lino amuswiilile eco i... eco Nca kaamba:

Nkambo—Nkambo kuzwa aatala lya myaala Nda ka mu bona,... (Oyo ngu Leza. Kutali kuzwa kunselelo mu kkuti, pele kuzwa aatala lya myaala. Oh! "Meso akwe ali aa muyuni siparo, alimwi Ndi lizi kuti Ula ndilangilila.")... *kuzwa atala lya myaala Nda ka mu bona,...* (Ameni! Kutali kuzwa kumwi... kunze lya kkuti limwi kutegwa ukonzye kubona cibeeala ca kusule lyabo; "Nda kabona cintu coonse," Leza wakaamba.)... *kuzwa atala lya myaala Nda ka mu bona, alimwi kuzwa ku zilundu Nda ka mu langa: bona, bantu bayo kkala abalikke, nkabela taba kazibwi akati ka masi.*

²³¹ Eco cila cibamba? Tiiba kali kabungwe, "masi." Oh, bakali basikutuntulika, mu matente, mu tukondo, kunselelo lya kkona lya kagwagwa, missioni niini. Piluka, kumwaya, kaba tanda; Leza wakali kubayanda kuunka kumwi kumbi. Mwabona? Basikutuntulika! Nconzyo!

²³² Okuya mu Jamaica, kutali ciindi cilamfu cakainda, kwakali mwiiyi mubotu wa zyabukombi iwa Pentekoste kaimvwi okuya. Elyo Nda kati, "Oh, obo Mwami mbwa kaleleka Mbungano ntaanzi ya pentekoste: taakwe ncoba kajisi." Nda kati, "Ba kali basikutuntulika buyo, konse."

Wa kati, "Uh, Mukwesu Branham?"

Nda kati, "Iiyi, mukwesu." Ko muyanda; mukwesu mubotu.

Elyo wa kati, "Ndali—Ndali kuyanda kukutondezya buyo mpo lubide."

Nda kati, "Oh, Ndili kkomene loko kuli ceeco. Ndila—Ndila yanda kuziba lyoonse awo Mpe lubide, nkaambo Leza ulizi eco; Nse—Nse yandi kulubila." Nda kati, "Ee, ikuti na Nda lubizya, Ndi yanda ku ciziba ncobeni, mukwesu. Nda lumba."

Wa kati, “Uzu manana kulumbaizya bantu abo ba pentekoste.”

Nda kati, “Inzya!”

Wa kati, “Ba kapanga bulubizi bubi maningi mboba kasola kucita, cindi niba kasambala lubono lwabo.” Kat, “Cindi kupenzegwa ni kwakabuka, tiiba kajisi muunzi wa kuunka. Tiiba kajisi busena bwa kuunka, nkabela baka tuntulika koonse.”

Nda kati, “Mbubonya buyo luyando lwa Leza.”

Wa kati, “Nkaambonzi?”

²³³ Nda kati, “Ikuti niba kali jisi maanda niba kajoka, pele baka cita kuunka kuzwa awa kuunka okuya, kabasabalanganya makani, koonse, kuteeti Muuya Uusalala wakali sikide. Uta ndaambili kuti Leza ula lubizya. Ta lubizya pe. Ulili zyi nzila ya kucicita. Ba kasambala lubono akuba basimutuntuli, kabasabalanganya makani konse.” Elyo kati, “I makan akamwaika koonse ku nyika yoonse yaka zizilwe kaindi, kwinda kuli mbabo basikutuntulika abo bakapa zintuzyonse kuti batambule Muuya Uusalala.” I bantu tii bakali kuzulilwa ku kabungwe. Mwabona?

²³⁴ Lino, amuyeyeye, kabungwe nceeco Leza ncaita kuti, “Kanjizya mu njisyo ya Balamu.” Ee, mpawo, cindi na takonzya kuba njizya mu kabungwe aka, nywebo mulizi eco Balamu nca kacita? Lino, amuswiilile kabotu lino, tu boola munsi ku kujala. Lino eco Balamu nca kacita, wa kacita cintu nciconya ncoba kacita awa ku Nicene Kkanso. Ako nkekaambo Nca kati, “Muli jisi njisyo ya Balamu a baabo ba Nikolayi.”

²³⁵ Lino, ba Nikolai bakali bantu baka somoka a kuyanda kupanga tubunga a—a zimwi zimbi. Kwalo, kumalekelo... Mbangaye bazi kuti obo Mbwini cindi Nda amba, “kabunga”? Obo Mbwini ncobeni bwa Leza. Elyo kumalekelo bakabunganya kabunga kapati maningi mu inyika. Elyo ncinci ncoba kakabamba? Ii Katolika. Elyo ino bbala *katolika* lyaamba nzi? “Boonse munyika.” Ii kabunga, inyika mboizulwa, kabunganisigwa, “Zyoonse ezi zintu ziniini zyeede kunjila mu mbungano yomwe.” Lino, ikuti na mwalangisya. Oh, Ndi... amu zumanane buyo kweenda.

²³⁶ Amulange! Ino Babuloni yakali nzi? Nguni wakatalisya Babuloni? Nimurodi. Ino wakacita nzi? Wa kapanga ngazi yomwe mpati mu munzi mupati, a kubamba miinzi yoonse imbi kupa mitelo ku munzi oyu. Kabunga! Eyo ni ntalisyo ya ncico. Masimpe. Kaboola mpoonya awa mu bukkalo bwa mbungano a kubunganya alubo, a kuleta masi oonse muli njijo. Elyo mpoonya awa Lya kati, “I sikuvuula oyo wakacitya masi oonse kuti anywe waini wa bwaamu bwakwe.” Mamambi aakwe nga kali kucita, kataminina kuba “Munakristo” aku vozya zintu mbuli ezyo: tutikizimu, mabbuku aamipailo, azintuzyonse

zimbi. Elyo ba Protestati bakasika ncobeni ambali, cintu nciconya, kutobezya ncobeni mu nzila zyakwe.

²³⁷ Ncibotu, atu unke aniini buyo ambele lino. Ncibotu. Ncibotu. Wa kaamba eno, kuti, "Ezi zyakali njiisyo zya Balamu."

²³⁸ Lino, ino Balamu wakacita nzi cindi na kaziba kuti ta kali kukonzya—kuti ta kali kukonzya kusinganya Israyeli? Wa kaambila Balaki kuti inga niwakaba muzeezo mubotu, mpawo, kuli nguwe kutamba aba bantu ku kulisangabalisyia kwa kaleza. Baka jisi ii—baka jisi ii—ii kulisangabalisyia kupati okuya, ba kali...oko nkobakali kuyo kucitila. Elyo ba...I kusangabalisyia kwakali kutegwa "I pobwe lya Baala-p-e-o-r, Baala-peor." Ndi yeeyela kuti p...peor, Baala-peor. Lya kali ii—ii pobwe, ku komba.

²³⁹ Elyo Balamu wakati, "Lino, Ndila kwaambila, Balaki, Ndila kupa muzeezo mubotu. Ikuti na uyo buyo...ikuti na uyo... Leza tako basinganyi, nku koonse kuliko kuli ncico, aboobo Ndila mwaambila eco nco tuyo cita. Ta tukonzyi kuba gusya; pele ikuti na ukaba tambe kubusena, uyo zumbaanya cintu conse munzila yako."

²⁴⁰ Mwabona, mbubonya, mbubonya eco Constantine nca kacita. Cakulondoka! Ako nke kaambo ka "njiisyo ya Balamu."

²⁴¹ Ino bakacita nzi? Balo mpawo...kuyiisya kwa Balaki kwaka selemukila akati ka Israyeli. Elyo bakatamba ba Israyeli bonse kutala lya pobwe eli pati, kuzunda kupati nkoba kajisi. Oh, cipobwe cimwi cipati, mizyano mipati ya cintu atala ncoba kajisi. Elyo cindi niba kasika kutala, baa, aba bantu bana Israyeli baka talika kubona aba, bana Moabu bakasamide cabwaamu. Iiyi, tii bakali mbuli basimbi babo balyonse kunselelo okuya. "Oh, ba kali kuboneka kabotu loko. Ma! Mbo bakabamwa alimwi oh, obo mbo bakali kukonzya kulitondezya beni." Elyo baka cengwa kuli ncico, akutalika kucita mamambi. Elyo Balamu wakalizi kuti Leza nata kaba singanya, na kabatola okuya ku lubazu olu lwakabungwe akucitya bukali bwa Leza kubajaya nekuba; akulekela Leza kubajaya Mwini, na wakakonzya kusola kuba gwisyu munzila ya Bwini.

²⁴² Elyo mbo wazwida buyo kweenda a kusangana mbungano mubusena bwa kutambula lubbizyo lwa Muuya Uusalala, uli fwide! (Kutali kwa nduwe, pele kwa awa, Ndi lekela eco kumvugwa kapati mu kaindi kaniini.) Bufwide! "Uli jisi zina," kati kuli Luther awa, wa Bukkalo bwa Sarde. I bbala Sarde lyaamba "bufwide." "Uli jisi zina ndo pona, pele uli fwide!" Nce ncico Leza nca kaamba. Inzya. Mwabona?

²⁴³ Elyo cindi niba kacita bwaamuu bwa kumuuya kutala okuya, mbungano yakakwatana kuzwa ku lubapatizyo lwa Muuya Uusalala kuya ku kabungwe, ba kafwa. Nceeco we. Eco ncencico Bbaibbele ncolya kaamba, nce ncico Leza nca kaamba, ka kanana ku mambungano.

²⁴⁴ Lino Ndi yanda buyo kubala cintucimwi awa kuli ndinywe, eco Nce...

²⁴⁵ Elyo Leza, ino Wa kacita nzi? Elyo lino cindi niba kacita cintu eci cibi, alimwi bakali mu mamambi, Leza wakajaya bali zyuulu zili makumi one azibili ku ciindi comwe; zyuulu zili makumi one azibili, nkambo kakucita mamambi. Elyo ncinzi ca kaambwa mu mbungano? Mamambi akumuuya, kuti uli banda kuba “Munakristo” elyo kocipona mbuli inyika. Oh, mukwesu, tambula Muuya Uusalala! Kozwa ku tunsiyansiya otu twakaindi a zintu nzo...tuli fwide; kuloolola Buzumini bwabukombi bwa Baapostolo, na musyobo umwi wa buzumini, a kwaamba mipailo misyoonto ya kalembwa kuzwa mu bbuku lya mipailo, na cintucimwi mbuli ceeco. Jesu kwiina nakaambila bantu Bakwe kwaamba mupailo, Wa kati, “Kamupaila!” Kamupaila! Ncibotu.

²⁴⁶ Lino, pobwe lya Constantine, mbuli buyo Balamu. Lino amulangilile. Mboli pobwe lya Balamu lya bupagani, Constantine wa kajisi pobwe lya bupagani. Ncibotu. Pergamo yaka tambwa. Elyo amubone eno eci...

²⁴⁷ Ndi jisi cintucimwi cilembedwe awa, Ndiyo cisija cilikke ndyoonya lino. Ncibotu. Ncibotu. Ndali kusola buyo kujata obu bulembu awa bwa i...cintucimwi Nce lemba.

²⁴⁸ Pergamo yaka tambwa. Ncibotu, baka tambwa ku pobwe nikwa kamana Nicene Kkanso. Ba katambwa ku pobwe lya *Winter Solstice*; eelyo lyaamba kuti, “zuba, ku komba zuba,” oyo wakali kaleza ka bupagani; kwa kacitika muli Nalupale 21, buzuba bufwaafwi maningi mu mwaka. Elyo myaka...I ciindi nciconya tacinci mane Nalupale ya 25. Boonse bapagani baka kusekelela, buzuba bwakuzyalwa bwa kaleza kazuba. I buzuba bwakuzyalwa bwa kaleza-kazuba bwakali buzuba bufwaafwi maningi mu mwaka, Nalupale 21. Elyo mpawo uli onse akasola kubala makani aakale ajatikizya mambungano ulizi kuti bahedeni bakali kukomba aa buzuba obo. Kwa kali kusekelela.

²⁴⁹ Ee, ba Roma bakali jisi i...ba kajisi misobano mapati, busena bupati bwamisobano yaba Roma. Mbangaye baka bona eci awa, kufumbwa mbo cakabede, okuno kutali ciindi cilamfu cakainda, baka jisi? Ben Hur! Mwabona? Lino, busena bupati bwa misobanino yaba Roma; nce ncico ba Roma ncoba kajisi obo buzuba bwazuba, mu ciibalusyo ca buzuba bwakuzyalwa bwa kaleza-kazuba. Mwabona?

²⁵⁰ Elyo lino...elyo bakapanga pobwe pati kutala okuya a kutamba ba Nikolai kuboola. Oh! Sa taku londokede? “I lwiiyo lwa Balamu ndo mujisi muli ndinywe.” Mwabona, kwaambila Pergamo eco ncobaka jisi, mizundano mipati. Okuya ba kayeeya kuti...Ababa Nikolai bakayeeya, “Ee, lino, eco cili kabotu. Eli pobwe pati lalisekelelwa mu mwaka? Iiyi.” Aboobo mpawo

a kutambwa ku i—i—i uutegwa archibishopu, na kufumbwa mbwa kabede kaindi, nkabela zintuzyonse, baka citola kuba cintu cizumanana: kunjizya bwaamu, kunjizya mamambi, kupanga mbungano ya Katolika; kwalo konse kabungwe ka Protestantni ncizo ca njiyo, kabunga. Leza ta jisi kabunga, alimwi ulasulaika ndilyonya zina lya nkako. I Bbaibbele lya kaamba obo.

²⁵¹ Elyo cindi niba kacita ceeco, ncinzi cakacitika? Ba—ba kati lino...Ba kacita kuba a kubikkwa kwa kumuuya, aboobo bakacinca (Mwami Jesu) buzuba bwakuzyalwa kwa M-w-a-n-a wa Leza kuzwida mu Mukubwekaangala (Kwalo boonse basicikolo babotu balizi, a muntu uli onse ujisi ziyubunuzyo zya kumuuya, kuti Wa kazyalwa mu ciindi ca bulenge mbuli ciindi tubelele a zintu zyoonse zimbi nozizyalwa: mu Mukubwekaangala.) kaindi maningi ku buzuba bwa 25 bwa Nalupale. Elyo kaba cikomba Krisimasi, lino ngu Santa Claus. Elyo cintu...Oh, luse. Mwabona? Nekubabooba kulisangabalisyia kwa bupagani kwaka yungizigwa kuli nkuko. Kwa mana nconzyo. Mpawo we, katamba, Balamu. “Mu jisi njiisylo ya Balamu akati kanu.” Nceeco we. (O Leza, kociyubununa buyo, Taata.) Mwabona? I buzuba bwakuzyalwa kuzwa ku Mukubwekaangala kusikila...

²⁵² Lino, simakani akale ulati “Boonse bumboni mbwakuti Jesu waka zyalwa mu mweezi wa Mukubwekaangala cindi buumi boonse bumbi nobuyutuka.” Pele baka bucinka kujokela ku buzuba bwa 25 ibwa Nalupale, mazuba osanwe kuzwa awo (mwabona?) kutobela kaleza ka bupagani, kutegwa baka konzya kubika kusekelela kwabo antoomwe: bupagani a Bunakristo. Alimwi Bunakatolika tacili cintu mu inyika pele cikama ca malweza abupagani acisowe ca Bunakristo kubikkwa antoomwe. Mbo mbubo. Obo mbwini. Alimwi ba Protestantni abo bacifugamina mbana basimbi iba nyina sibwaamu. Obo mbumbubo.

²⁵³ Lino, Leza kotu gwasya kuba basikukazya beni kulwana cimwi citali cabunaleza. Mwabona? Oh!

²⁵⁴ Elyo kubamba kubikkwa kwa kumuuya ancico, sena mulizi bbishopu nca kaamba? I bbishopu wakati, “Tuli jisi nguzu zya kucita eci nkaambo ndi ‘Zuba lya bululami.’” Hmm! Oh, ba jana mapolelo, mbuli mbo bacita aali “Taata, Mwana, a Muuya Uusalala;” Matayo 28:19, musyobo nguonya, wini. Masimpe, ba jisi mapolelo, beeledede kuba a musyobo umwi wa kubikkwa kwa kumuuya, nywebo mwabona. Pele ta ci...

²⁵⁵ I Bbaibbele lyakati, “Ku mulomo wa bakamponi bobilo na botatwe ijwi lyonse lizulile.” Leza wakaamba kuli eco, Ula caamba ziindi zyotatwe. Ikuti na Leza nakatola kusimpikizya cintucimwi cimbi, Wa kabweza Petro, Jakobo, a Johane; zintuzyonse Nzya kacita, Wa kajisi bakamponi bobilo nanka

botatwe ku kutondezya zintuzyonse Nzya kacita, lweendo loonse mu Lugwalo. Mbo mbubo.

²⁵⁶ Pele, nywebo mwabona, ezyo zintu ziniini zyeelede kusika okuya kutegwa bakonzye ku cibweza kuba boobo. Leza wakali cizi kuzwa ku malengelo aa inyika. Mpaawo baka kujana, kubikkwa kwa kumuuya, “Nkaambo walo ngu M-w-a-n-a wa Leza, tuyu bweza buyo buzuba bwakuzyalwa kwa z-u-b-a bwabupagani aku bubamba kuba buzuba bwakuzyalwa kwa M-w-a-n-a, alimwi nkaambo ngu ‘Zuba lyu bululami.’” Hmm! Hmm! Nywebo mulizi, ba Protestant bacicengwa kuli ceeco, cintucimwi mbuli ceeco. Masimpe, bayo cita, ku cigusya kuzwa ku Lugwalo kuya kumwi kumbi. Oh, ma! Nda . . . Atwi—atwi ime aniini. Yaa.

²⁵⁷ Nceeci cintu comwe ciniini Nce yanda kujana. Atu bweze kampango aka kamamanino awa cakubinda ncobeni. Sa inga twa cicita? Inzya. Ee, Ndila binda ncobeni, kufwambaana loko lino, elyo muyo . . . tula uma ziyandisi zya Nkako. Yaa. Mpaali mpo tubede lino?

*Pele . . . zintu zisyoonto . . . Ndi jisi . . . kulwana
nduwe, . . . Balamu, . . .*

Mbo mbubo, Nda kajana oko.

Mbubonya uli jisi akwalo . . . njisyo zya ba Nikolai . . .

*Koempwa; . . . nape Nda . . . boola . . . cakufwambaana,
alimwi . . . kulwana nduwe kubelesya cceba lyu mulomo
wangu.*

*Oyo walo ujisi matwi, amvwe eco Muuya nco
waambila mambungano; . . .*

²⁵⁸ Ma! Awa cindi Constantine naka cita ceeci, cakali . . . Cindi niba kabamba oku kulisangabalisyu kupati. Nda—Nda buyo . . . Nda katalika kuzwa kuli ceeco; Ndila lindila Nke tana kubala eco nkaambo Muuya Usalala ula zumanana kujokela, nke kaambo Nce cita cintu nci Nda kacita mpawo; kat, “Uta cisisi eco.” Mwabona? Nceeci casika! Uh-huh, uh-huh, uh-huh. Yaa. I kaambo . . .

²⁵⁹ Cindi niba kabamba cintu eci cipati, (Ndi yanda ku mwaambila eco cakacitika kutegwa mumvwisye.) oko kwakali kuzyalwa kwaciindi cakatobela zya milleniamu. Nkaambo mbungano yakali vubide; yaka vuba mbuli mboya kali kukonzya. Elyo cakali cinzi? Canguzu. Ca kali kweendelezya cisi; cisi a mbungano zyakali antoomwe.

²⁶⁰ Lino, Leza a bwami? Elyo sa Jesu ta kaamba kuti ba . . . Masi aya oonse akali aakwe, kaambila Jesu obo, ka Mu tondezya mami aa inyika, kat, “Nga angu oonse. Nda cita a ngawo a cintu cili coonse Nce yanda.” Elyo mpawo kukamantanya Leza a dyabulosi antoomwe? Oh, tamu konzyi kucicita! Nconzyo, tamu konzyi.

Ako nkekaambo cisi cakabunganisigwa. Leza tali, tubunga otu. Nee ncobeni, tamu konzyi kucicita.

²⁶¹ Pele bakali kajisi, ba kajisi mbungano iitegwa Bunakristo; baka bukamantanya a cisi, bulelo bonse ba Rome, bonse kuli mbubo. Bbishopu mupati atala keendelezya boonse, uli wakali Boni... Kumane abo baka mwiita kuti poopu, pele wa kali ii—wa kali bbishopu kaindi. Alimwi Boniface III wa kali umwi wakaba poopu mutaanzi.

²⁶² Mpawo tu jana kuti awa wa kakkala alya ncobeni mbuli poopu keendelezya... Ii kaleza nko baka jisi, mu ciimo cabuntu. Ba kajisi cipaililo cipati. Ba kajisi buvubi bubotu. Ba kajisi zipaililo zipati, zyanguzu, zya kabikkidwe mabwe atubuluka, akusakatikwa mabwe mayandisi, a zimwi, ku zivumbilila. Elyo ba kajisi mambungano mapati. Ba kali kweendelezya cisi. Elyo mulizi cintu na? I ijwi lya kazwa kuti “oyo wakali Mileniamu,” kuteeti zisyomezyo zyoonse kuli bama Juda bacete, kuti, “Leza waka basiya” (eco Nca kaamba kuti Ta kakonzya kucicita), a kusola kuleta mu Mileniamu kakutanaba kuboola kwa Mwami Jesu. Cindi Jesu akuboola ndeelyo Mileniamu niyo talika kuba.

²⁶³ Obo mbusena bwa kuzyalilwa kutobela milleniamu. Elyo nke kaambo Katolika ncoi tayiisyi kuboola kwa Jesu, ku buzuba obuno. “Koonse kuli mu mbungano. Oyu ngu Mileniamu. I mbungano ili jisi zintuzyonse. Eci nce ncico.” Mwabona, kutobela kwa mileniamu (Oh, ma!) kakutakwe kubweeda kwa Jesu Kristo. Eci cakatola ciindi mane ku kujaigwa kwa Constantine oyo waka boola akati ka 312 a—a... A.D. 312 a 606. Mpawo Boniface III waka bambwa kuba bbishopu na poopu wabonse kulanga mbungano yonse munyika.

²⁶⁴ Ndi syoma kuti tula kamanizya kampango aka, elyo mpawo Njo cibweza. Alumbwe Leza. Mwabona? Lino, Nda jatilila buyo aniini. Kampango ka 17:

*Oyo walo ujisi matwi, a swiilile eco Muuya—Muuya
nco waamba ku mambungano; Kuli nguwe uuznda Njo
mupa kulya... mana asisidwe, alimwi ku mupa bbwe
lituba, alimwi mu bbwe kuli zina lipya lilembedwe, lita
zizilwe ku muntu cita oyo uli tambula.*

²⁶⁵ Sa inga mwasala kulindila kusikila juunza masiku, na kuba ankuko lino? [Mbunga yaingula, “Lino!”—Mul.] Ncibotu.

²⁶⁶ Taata Wakujulu, Nda komba kuti Ula lekela bantu kumvwisywa lino, mu Zina lya Mwami Jesu, kutegwa ba mvwisye koonse (aku masena mateepu nkwininka), kuti bakonzye kuziba kuti Nda—Nda amba ceeci nkaambo Bwalo—Bwalo Mbupanduluzi bwa Buleza Mbo kandipa. Ameni.

... oyo walo uuzunda...

²⁶⁷ I cintu citaanzi Nce yanda kuti tuyeeeye: kuti umwi aumwi wa milumbe eyi tailetwi ku mbungano, pele kuli angelo wa

mbungano. Amulange kusule awa, imwi ntaanzi, mbungano ya Efe- . . . Ku mbungano . . . Ku i . . .

Kuli angelo wa mbungano yaku Efeso . . . (Mbo mbubo na?)

268 Yaa, bukkalo bwa mbungano butobela, kampango ka 8:

. . . *kuli angelo wa mbungano ya Smurna . . .*

269 Yaa, a kampango ka 12:

. . . *kuli angelo wa mbungano ya Pergamo . . . (Sa mbo mbubo?)*

270 I Mulumbe ulebelwa musololi wa mbungano. Leza kogwasya mulombwana oyo uyo tantamuka kuzwa ku Mulumbe oyo! Pele Wa kapegwa kuli angelo, alimwi angelo wakali mu janza Lyakwe kensi lya bweendelezi Bwakwe Mwini, kwiipa nguzu zya kukakatila kuzwa kuli Nguwe, kuzwa ku janza Lyakwe lyalulyo. Bali mu janza Lyakwe lyalulyo, nko cuti, bali mu nguzu ziinda kuciindi nobali ano aa nyika; nkaambo balo Mimuni izwa kuli Nguwe, kupa Mumuni ku bukkalo obo bwa mbungano. Mwabona? “*Kuli angelo wa mbungano.*” Kulembela *nyenyeezi* (ya bukkalo) oyo ujisi mulimo. I angelo wa mbungano ujisi kaambo ikuti na ta kambauki Ijwi. Mbo mbubo. Elyo oyo angelo uyo elela kwiingula mu lubeta.

271 Mbangaye bayeeya cilengaano okuno kutali ciindi cilamfu cakainda kujatikizya . . . Amulange awa. Cindi Ne kali—cindi Ne kali lede aa bulo, elyo Muuya Uusalala wakasika; elyo Nda kacebuka, mukaintu wangu okuya. Elyo mpaawo Nda kali lede alya, a kuunka kutala mu Busyu okuya, elyo Nda kabona bantu abo boonse. Elyo mula ndiyeyea nke amba ceeco na? Nyoonse mula cita. Mwabona?

Elyo Nda kati, “Ee, sa bali . . . ?”

Wa kati, “Mbi bako.”

Elyo Nda kati, “Boonse balo mbana Branham na?”

Wa kati, “Peepe.” Kwakali bali mamilioni ambabo. Wa kati, “Abo mbasanduki bako.”

Elyo Nda kati, “Mbasanduki?”

272 “Mwa mubona oyo mwanakazi ngoli kugambwa loko, alya, mukubusi a mubotu,” kati, “waa kaliindide makumi ali fuka cindi noka musololela kuli Kristo.”

Elyo Nda kati, “Oh!” Nda kati, “Mpawo Nda kaciyoowa eci?”

Elyo wa kati, “Tula lindila okuno ku kuboola kwa Mwami.”

Nda kati, “Ndi yanda ku Mu bona.”

273 Kati, “To konzyi ku Mu bona lino, pele” kati, “cakufwambaana Uyo boola. Tula Mu lindila, pele cindi Aku boola, Uyo boola kuli nduwe lutaanzi. Elyo uyo betekwa

kweendelana ku Makanimabotu ngo kakambauka, alimwi tuyu oba balelwa bako.”

“Ee,” Nda kati, “mwaamba kuti Ndi jisi mulimo wa kwaambilila boonse aba?”

“Toonse swebo!”

Nda kati, “Ee, sa bonse . . . ?”

Wa kati, “Wa kazyalwa koli musololi.”

Elyo Nda kati, “Ee, sa bonse bayooba a kuvviilila?”

Wa kati, “Musololi oonse.”

Nda kati, “Ino kujatikizya Musalali Paulo?”

Kati, “Uyo oba akuvviilila bukkalo *bwakwe*.”

“Ee,” Nda kati, “Nda kakambauka Makanimabotu ngaonya nga kacita.”

Elyo majwi ali mamilioni akabuka, kati, “Tuli yaamide ali ceeco!” [Mbunga yaamba, “Ameni!”—Mul.] Mwabona? Mpaawo we, “kuyaamina.”

²⁷⁴ Aboobo *angelo* wa Leza, mutumwa ku mbungano, ulaa kaambo ikuti na wakambauka litali Ijwi. Yaa.

²⁷⁵ “Mana asisidwe.” Atupe bupanduluzi ku buboto mbo tukonzya. Ino alo “maná asisidwe” atondezya nzi? Mana aasisidwe akali mana ayo akali kubambwa mu busena . . . na cinkwa camabonwabonwa, mu Bbaibbele, eco cakali buyo ca mupaizi. Mbangaye bazi boobo koonse? Mwabona? Lino, tii cakali ca . . . Ba kajisi cinkwa ca mbunga, pele kwakali cinkwa cisalesale ca mupaizi. Sa mbo mbubo?

²⁷⁶ Eci ncinkwa cisalesale, cinkwa cisalesale, mana *asisidwe*. Ino nganzi? Nguni Mana esu? Kristo. Yaa, Musalali Johane, cipati 6, kampango ka 48 kusika ku 50, ikuti na mula cilemba. Jesu wakati Wa kali “Cinkwa ca Buumi eco cizwa kwa Leza kuzwaku Julu,” Mana.

²⁷⁷ Ee, niinzi “maná asisidwe”? I mana ayo atapegwi ku mbunga yoonse. I ciyubunuzyo catilwa aali *angelo* wa mbungano, ciyubunuzyo ca Ijwi. Mwabona? Ci yubunuzyo ca Ijwi cipedwe kuli *angelo* wa bukkalo obo, nkambo cili sisidwe kuzwa ku masena oonse, a kuyubununwa kujoka (mana aasisidwe) ku . . . Ca kalembelwa *angelo* wa mbungano. Mwabona? Mwa cimvwa na? Calo nciyubunuzyo cinji asyoonto ca boobo Kristo mbwabede, ndiza kwiitwa kwaatala maningi.

²⁷⁸ Ndalibuzya ikuti na Luther waka ciziba eco? Ndalibuzya ikuti na Wesley wakacita mu buzuba bwakwe? Oh! Ndalibuzya ikuti na Musalali Martin waka ciziba? Irenaeus? Lino, nywebo mulizi, mbungano tiiya kabamba bantu abo kuba basalali, tiiba kali basalali kuli mbabo; pele bakali baabo baka jisi zitondezyo zyakali kutobela. Ba kajisi bamabbishopu babo—baboo, a bamwi bambi, bakubamba kuba basalali.

²⁷⁹ Baa, okuno kutali ciindi cilamfu cakainda, mwanakazi wakaunka kuyo ula bbuku lya *Buumi bwa Musalali Martin* mu cintoolo ca mabbuku aa Chikuwa. Elyo cindi...Waa kati, “Musalali Martin.”

²⁸⁰ Elyo muntu wa kasomona kabikkilo, kati, “Ta zizilwe kapati mu makani aakale, ta kabambwa kuba musalali.” Mwabona? Mane nekuba buzuba obuno; pele Leza uli jisi zina lyakwe, Leza ulizi kuti nguni.

²⁸¹ Mwabona, olo ndo lwandaano. Muntuumwi uyanda zina lyakwe mu cintucimwi cipati, pele bantu ba Leza bayanda kutantamuka musyobo oyo wa zintu. Taba yandi zintu zipati ncobeni, a cintucimi cipati ncobeni; ba yanda kulibombya, obo bubombe. I nzila—i nzila yaatala njaansi. “Oyo ulibombya mwini uyo sumpulwa; oyo uulisumpula uyo tolwa ansi.” Kalibombya mwini. Uta soli kuba cintucimwi cipati; kusola kuba cintucimwi ciniini, pele koba obo mbobede. Mwabona? Koba muniini ku meso aa Leza, koba muniini ku meso ako eni, bantubonse bambi balatala lyako. “Amuleke oyo mupati akati kanu abe mukutausi kuli boonse.”

²⁸² Nguni wakali kukonzya kuba mupati kwiinda Jesu Kristo oyo wakalyaanga cisansamuzyo Mwini a kusanzya matende aa basikwiya? Ii Mubelesi usanzya matende abantu, Mbwa kaba. I Leza wa Julu, Cilenga wa majulu a nyika, kasanzya matende atombe ku bazeli banswi (Oh!) a buloko a zintu, kasuko kazwa ku migwagwa, oko zisani zyabo nkozya kapeela, aku kasanzya; Mubelesi usanzya matende abantu, obo Mbwa kabede. Elyo mpawo tu yeeya kuti, “Tuli balemu. Twe elede kuba Mwiiyi, Ph.D., *Niini-a-niini*.” Oh, ma! Oyo tali Kristo. Eco tacitondezzi luyandisy...Jesu Kristo mubotu. Wa kaba Mulanda kuli boonse. Mbo mbubo. Ka tuyiisya mukozyanyo kuti tweede kucita kuli umwi aumwi mbuli Mbwa ka tucitila. Oh, oyo—oyo Mwami wangu. Eco ci Mu bamba kuba mupati, nkaambo Wa kalibamba kuba muniini Mwini. Mwabona, eco nce caka Mu bamba kuba mupati.

²⁸³ Nda kajisi coolwe ca kuswaangana bantu bamwi balemu mu buumi bwangu, alimwi Nda kajisi coolwe ca kuswaanganya bantu bakali *kuyeeya* kuti bakali balemu. Ii muntu mulemu ncobeni ulasola kukubamba kuyeeya kuti uli mulemu elyo walo tali cintu. Mwabona? Kuswaanganya bamami, a bamwi bambi, a bantu abo bali mbantu balemu ncobeni. Elyo kaswaane Banakristo beni basinizizye, bazisani zya magamba, azintu mbuli ezyo. Elyo bamwi babo balasika ku cikambaukilo mbuli kabbokesi katu sakatizyo alimwi mpawo...Mwabona? Oh, ma! Ee, nkula kapati...Yaa.

²⁸⁴ “I mana asisidwe,” cintucimwi ciniini *cisalesale*. Ino *cisalesale* ninzi? Kutali cintucimwi ku...I zilongezyo zya Muuya Uusalala? Oh, peepe, ezyo nzya mbunga yoonse. Pele “mana

asisidwe” cakali ciyubunuzyo cisalesale nkaambo wa kacita kuyiisya bamwi. Mwabona? Lwakali luzibo lunji aniini lwa Lugwalo, olo ndwakali kukonzya kuyiisya bamwi. We elede kuba. Sa mbo mbubo? To kaponi kwiindilila mweembeli wako. Koyeeya buyo eco, wabona. Elyo aboobo... Nkaambo walo mweembezi uukusanina. Ikuti na walo mweembezi, we elede kuziba awo mana mpabede, ku sanina i—i mbelele. Sa mbo mbubo? Lino, cisalesale aniini. Alimwi amulange eci asyoonto buyo, ciyubunuzyo, mana asisidwe.

²⁸⁵ Lino, “Mwaala uutuba, uyooba a mwaala uutuba.” Oyu angelo uyooba a bbwe lituba. Oyo mwaala, embo na? [Ii mukwesu waamba, “Kunjoloma.”—Mul.] Elyo ii... Uli luleme, “kunjoloma.”

²⁸⁶ Wa—Wa kaswaana muntu ciindi cimwi nkabela zina lyakwe wakali Simooni, alimwi Wa kacinca zina lyakwe kuba Mwaala, “Petro.” Nkaambonzi? Wa kajisi zijaluzyo. Sa mbo mbubo? Wa kacinca zina lyakwe a ku mubamba kuba mwaala. Sa mbo mbubo? Petro waka jisi zijaluzyo nkaambo wa kali nguwe waka jisi zijaluzyo zya ku Bwami.

²⁸⁷ “Ii zina lipya, zina lipya lwakalembwa mu mwala oyu uutazizilwe ku muntu cita lwakwe.” Uli zyi kuti nguni, pele ta konzyi kwaambila bamwi. Mwabona? Mwabona? Taakwe uzi cita lwakwe. Mwabona? Petro wakalizi kuti waka jisi zijaluzyo, pele toka mumvwa kalidundaizya kujatikizya ngawo. Mwabona? Abo balombwana bali dundaizya mbo babede kanji mba taakwe. Uh-hih, uh-huh. “Ii mwaala uutuba, a muli nguwo zina lipya.” Kutali zina lyakwe lini, pele walo muntuumwi umbi (Mwabona?) elyo alikke mwini nguu lizi; oyo ujisi mwaala, zina. Mwabona, mana masalesale aaku kusanina mbungano, amuyeeeye.

²⁸⁸ Amuyeeye cindi Eci nicaka citika ku mbungano eyi, bwakali bukkalo mbubonya (ciindi nciconya eco Eci nicaka yubununwa) kuti ba Nikolai bakali bikka beni atala kuba mutwe wa mbungano *yabo*, poopu, aku mupa cipaililo ca mwaala uutuba ansi, kunsi lyakwe, cipaililo camabwe atubuluka. Sa mbu mbubo? Alimwi kacibikkidwe tubulo mukati, a zintu mbuli ezyo, eco cakali ciyandisi kuli *nguwe*.

²⁸⁹ Pele oyu angelo wa Mwami wakalizi kuti *wa* kali ni, mwana wa Leza, kwiinda—kwiinda mu ciyubunuzyo ca Jesu Kristo.

²⁹⁰ Elyo cindi—cindi ba Nikolai niba kabamba musololi *wabo* a kubikka bbwe litubuluka ku matende akwe (Mwabona?), Leza waka bamba musololi Wakwe kazwide Muuya ku nkamu Yakwe iizwide Muuya; angelo Wakwe; alimwi Wa kamu bikka caando ca zina, pele ta elede ku ciyubununa. We elede ku cibamba kuli lwakwe, mwabona. “Taakwe muntu uuzi cita lwakwe.”

²⁹¹ “Mana asisidwe, bbwe, zina lipya eelyo muntu ndya tazi pele walo mwini,” alimwi lyakalembela angelo wa mbungano. Nda

libuzya na Luther wakalizi obo? Nda libuzya ikuti na Wesley wakali cizi? Nda libuzya ikuti—ikuti na baangelo bamwi bapati?

²⁹² Elyo Nda libuzya sunu, ikuti na mu i... Kuboola mu inyika cakufwambaana, angelo mupati wa Mumuni oyo uyo boola kuli ndiswe, uyo tusololela kuzwa, Muuya Uusalala mulemu, kuboola mu nguzu, alimwi uyo tusololela ku Mwami Jesu Kristo. Antela taka cizyi, pele uyo oba kuno bumwi bwa mazuba aya. Uyo zibya... Leza uyo mu zibya. Ta kayandiki kulizibya mwini, Leza uyo mu zibya. Leza uyo tondezya Wakwe Wini. Nce ncico Nca kaamba cindi Jesu nakali waano nkabela tiiba ka Mu ziba, mwabona. Wa kati, “Ikuti na Nse citi milimo ya Taata Wangu, nkokuti muta Ndi syomi; pele ikuti na Nda cita milimo ya Taata Wangu, nkabela tamu konzyi ku Ndi syoma, mpawo amusyome milimo.” Sa mbo mbubo?

²⁹³ Oh, sa Tali mubotu! I Bbuku lya Ciyubunuzyo. Lino, nywebo mwabona awo mambungano mpabede? Sa mwabona mboba syankene? Sa mwabona mbungano mboya keenda awa? Lino, *obu* mbukkalo mbo tu boolela juunza masiku, Mwami nawayanda.

²⁹⁴ Lino, Nda usa kuti Nda mujata kwa ciindi cilamfu, pele Nda—Nda—Nda syoma kuti moyo—moyo iya cintucimwi. Elyo kulemba bulembu, kuti cindi... Ndi jisi amwi ambi awa, kutandila mapeegi otatwe na one, pele Nse jisi buyo ciindi ca kusika kuli ngawo, alimwi, nkaambo ciindi ciya bumana, alimwi citandila maminiti ali kkumi aciloba lino kusikila... Pele tuyu cibikka mu bbuku, nekuba, elyo aboobo tuyu—tuyo—tuyo oba ncico.

²⁹⁵ Lino, mbangaye ba Mu yanda a moyo wanu oonse? Mbangaye ba Mu syoma a moyo wanu oonse? Oh! Lino, sena muyeeya kuti inga Nda ima awa nkaambo buyo kakuti tatuli mu tubunga—kuti tatuli tubunga akwaamba zintu ezyo? Sena mwawwisya lino, bakwesu, kaambo Nce—Nce (buumi bwangu boonse) Nda kacilwana cintu eco? Mwabona, Wa kali Muuya Uusalala. Nse kakonzya ku cimwwisya lwangu, Nse kacizi mane buyo mazuba masyoonto aindu. Mwabona? Nse kazi caka ndibamba kucita ceeco; Nse kazyi kaambo lyoonse Nce kali koompolweda kulwana banakazi kupona buteensi, a zintu; Nse kacizyi, Nda cita lino. Mwabona?

²⁹⁶ Lino, Mwami ulizi kuti zintu ezi zili lubide. Mpaawa batondezegwa moonya mu makani aakale, a kusika... I Bbaibbele lyakati... Lino amulange awa, Bbaibbele lyakati (kale) kuti zintu ezi ziyo citika. Lino, tu lizi kuti, sa tii twacita? Mpawo tu bweza makani akale aa bukkalo obo, a kubona kuti caka citika mbubonya buyo munzila Bbaibbele mbo lya kaamba. Sa mbo mbubo? Ee, mpawo, cindi twa selemukila awa ku bukkalo *bwesu* bwa mbungano, aceeco Nca kaamba kumbele ku bukkalo *bwesu* bwa mbungano, ciyo citika mbubonya buyo

nzila Leza mbwa ka caamba kuti ciyo cita. Sena mula syoma obo? Oh! Sena tamu yandi . . .

Oh, Ndi yanda ku Mu bona, kulanga ku busyu
Bwakwe,
Okuya kwiimba lyonse zya luzyalo Lwakwe
lufutula;
Mu tugwagwa twa Bulemu andi nyamune jwi
lyangu;
Mapakasyo onse akamana, ku muunzi
kumamanino, kusekelela kwalyonse.

Oh, Ndi yanda ku Mu bona, kulanga . . .
(Mbangaye ba cita?)
Okuya kwiimba lyonse kwa luzyalo Lwakwe
lufutula;
Mu tugwagwa twa Bulemu andi nyamune jwi
lyangu;
Mapakasyo onse akamana, ku muunzi
kumamanino, kusekelela kwalyonse.

Lino mbuli mbo sukana maanza umwi aumwi, kumbele, kusule, a koonse, a boonse ba Methodisti, Baptisti, Presbyteria, kufumbwa mbo cibede:

Mbuli Mbwe enda mu cisi eci, kwiimba mbuli
Mbwe unka,
Oh, kutondekela bantu ku Kalivari (Kutali
mbungano, Kalivari.), mu kukunka kwa
nkandamalowa,
Mivvi minji yakayasa buntu bwangu, aanze,
amu kati;
Pele Mwami wangu ulazumanana
kundisololela, kuli Nguwe Nde elede
kujatilila.

Atwi imikile lino:

Oh, Ndi yanda ku Mu bona, kulanga ku busyu
Bwakwe,
Okuya kwiimba lyonse . . .

Atu tambike maanza esu.

. . . luzyalo lufutula;
Mu tugwagwa twa Bulemu andi nyamune jwi
lyangu;
Mapakasyo onse akamana, ku muunzi
kumamanino, kusekelela kwalyonse.

²⁹⁷ Oh, obo Mbwe Mu yanda! Obo Mbwe Mu yanda! Mubotu!
Mubotu!

Mubotu, mubotu, Jesu kuli ndime,
 I Sinkuta, Mwami wa Luumuno, Leza Singuzu
 Mbwa bede;
 Oh, kundi futula, kundi tantamuna ku zibi
 zyoonse a nsoni,
 Mubotu i Munununi wangu, lilumbaizigwe
 Zina Lyakwe!
 Nda kali swekede limwi, ino Nda kajanwa,
 kwanguluka ku mulandu,
 Jesu ulapa bulubusi a lufutuko luzwide;
 Kundi futula akundi bamba oh, kuzwa ku zibi
 a mause oonse,
 Mubotu i Munununi wangu, lilumbaizigwe
 Lyakwe... .

Boonse, kwimbisia loko:

Mubotu, mubotu, Jesu kuli ndime,
 Sinkuta, Mwendelezi wa Luumuno, Leza
 Singuzu Mbwa bede;
 Oh, kundi futula, kundi tantamuna ku zibi
 zyoonse a nsoni,
 Mubotu i Munununi wangu, lilumbaizigwe
 Zina Lyakwe!

Oh, obo mbocili cibotuloko!

Oh, mubotu, mubotu, kuti Jesu kuli ndime,
 Ngu Sinkuta, Mwendelezi wa Luumuno, Leza
 Singuzu Mbwa bede;
 Uli mu kundi vuna, kundi tantamuna ku zibi a
 mause oonse,
 Mubotu i Munununi wangu, alilumbwe Zina
 Lyakwe!

²⁹⁸ Atu antoomwe kwaamba, “Lilumbaizigwe Zina Lyakwe!” [Mukwesu Branham a mbunga ba kanana mu kuzuminana—Mul.]: “Lilumbaizigwe Zina Lyakwe!” Munununi wangu! Amuyeeye juunza masiku, seveni okuloko. Kusikila elyo, kusikila mukajoke, amucite obu:

Ko tolelela Zina lya Jesu,
 Mwana wa buusu a mapenzi;
 Liyo kupa lutangalo, kuumbulizigwa... .
 (Botelwa ku kubona awa bakwesu, Mwami
 aku longezye.)
 ...koonse nkoya.

Zina liyandisi (Zina liyandisi!), Oh mbolili
 bbotu! (Oh mbolili bbotu!)
 Bulangizi bwa nyika a lutangalo lwaku Julu;
 Zina liyandisi (Zina liyandisi!), Oh mbolili
 bbotu!
 Bulangizi bwa nyika a lutangalo lwaku Julu.

²⁹⁹ Mbuli mbo tukotamika mitwe yesu eno mu mupailo, ku lwiimbo lwa mamanino, na ciinduluko ca mamanino:

Ku Zina ly a Jesu kukotama,
Kuwa cakufugama ku . . . (Mwami Leza, ponya
aba, Mwami, mbuli mbotu . . .) . . . tuy o Mu
samika musyini,
Cindi lweendo lwesu lwakumana.



BUKKALO BWA MBUNGANO YA PERGAMO TNG60-1207
(The Pergamean Church Age)

MATOBELANWA AA CIYUBUNUZYO CA JESU KRISTO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Nalupale 7, 1960, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org